

სპორტიელი

სპორტული გაზეთი ხუთშაბათი 12 ივნისი 2008 №133 (3357)

ფასი 50 თეთრი

საქართველოს
სპორტის
და ფიზიკური
კულტურის
მინისტროს
გამართავი
სამსახური

უკვე რადაცაბი ვიცი: სპორტულია მეოთხედფინალი, ლუიზ ფელია სპორტი ჩელსიში პირველად: ელოდეთ ჯგუფში პენალტებს!

წახელ საკაბელო არხზე ყველა ის არხი, რომელიც ევროპის ჩემპიონატის მატჩებს გადმოსცემს, გათიშეს. ალბათ იმიტომ, რომ ფეხბურთისთვის მხოლოდ „რუსთავი 2“-ზე გვეყურებინა. კი, ბატონო, გამოსახულება ერთია და არც ჩვენი მეგობრის დიმიტრი ობოლაძის კომენტარებისა გვაქვს რამე მაინცდამაინც საინააღმდეგო, მაგრამ ჩვენ „ენტევე ფუტბოლისა“ და „სპორტ 1“-ს სიგნალის მიღებაში საკაბელო ტელევიზიას ფულს ვუხდით! ეგებ განვიმარტონ ვტყუვდებით თუ არა...

წმინდა სპორტული თვალსაზრისით კი უნიკალურ შემთხვევასთან გვაქვს საქმე: ჯგუფურ ეტაპზე შესაძლოა პენალტების სერია დაინიშნოს!

როგორ? იხილეთ უეფას ევროპის ჩემპიონატის რეგულაციის 7.08 პუნქტი, რომლის თანახმადაც:

„თუკი ჯგუფური ეტაპის ბოლო ტურში ერთმანეთს ხვდებიან იდენტური მაჩვენებლების მქონე გუნდები, მათი შეხვედრის ფრედ დასრულების შემთხვევაში ინიშნება პენალტების სერია“.



მეორე დონის ერთა თასზე მასაბე გუნდით წაგება კი მაინც საწყენია

სამართლებლო ვ.ი. ს. აზრიპა
სამართლებლო: ბარკალაია, შკინინი, თოდუა, გიგაური, ჩხიკვაძე, მალაღურაძე, სამხარაძე; უდესიანი (კაპ), გუნდისფილი, ს. მაისურაძე, ბ. გუჯარაძე, ნემსაძე, მელიქიძე, ნატრიაშვილი, გასვიანი
შეცვლაზე შევიდნენ: ხმალაძე, ბრეგვაძე, ხოსიტაშვილი, უჩავა, ძაგნიძე
სათადარიგონი: როსვაძე, კოლელიშვილი
ს: ბარკალაია
ს. აზრიპა: ბასონი, ნოუბლი, სენტჯერი, ნიუმენი (კაპ), იანსენი, დოლი, პრეტორიუსი; პრინსლუ, რაუნენჰაიმერი, მოფუ, დიუბლე, სრობლერი, ლემერი, იენეკერი, იარუნფანიკერი
შეცვლაზე შევიდნენ: ლოუსონი, როუზი, მალგაში, ფანიარსფელდტი, ადრიანსე, რუდტი, ჯონსონი
ლ: ნოუბლი; 2ს: დოლი
მსაჯე: ალან ფალცონე (იტალია)

ბუქარესტში დაწყებული მსოფლიოს ერთა თასზე, რომელიც მეორე დონის ნაკრებებისთვის მეტი ტესტის და გამოცდილების მისაღებად არის მოფიქრებული, გუშინ საქართველოს ნაკრებმა თავისი პირველი მატჩი ითამაშა და სამხრეთ აფრიკის „მზარდ ნაკრებთან“ 3:1 წააგო.
ვთქვით, საქართველოს ნაკრებო, მაგრამ ეს პირობითია, რადგან ჩვენები ბუქარესტში ოცი ძირითადი რაზმელის გარეშე ჩავიდნენ და, მეორე კი არა, ლამის მესამე შემადგენლობით რაგობენ.
აქვე ვთქვით, რომ რამდენიმე გამოცდილ მორაგბესთან ერთად 20-წლამდელთა ნაკრების მოთამაშებით დაკომპლექტებულ გუნდის მთავარ მწვრთნელ ტიმ ლენის ასისტენტებად

ბუქარესტში სწორედ 20-წლამდელთა თაკაცები ნიკო ჭავჭავაძე და ლევან მაისაშვილი გაყვნენ.
გუშინ ქართველების მეტოქე სამხრეთ აფრიკის 23-წლამდელთა ნაკრები იყო, რომელსაც სარაგბო ენაზე „მზარდი ქურციკები“ ჰქვია და სულ ნარჩევი და ზე-14-ში ნაცადი ჯეელებით არის შეკრული. სამშობლოში სწორედ მათ მიიჩნევენ სამხრეთ აფრიკის მომავლად და თავს ევლებიან. თუმც აფრიკელებმა თავისი იკითხონ, ჩვენ კი ჩვენებისა ვთქვათ.
გუშინ საქართველოს ნაკრებს თუნდაც მეორე შემადგენლობა რომ ჰყოლოდა, აფრიკელებს შავ დღეს აყრიდა, თუმც არც გუშინ დააკლეს მეტოქეს ჩვენმა დანარჩენმა რეზერვისტებმა ზელი. ეგაა, ანგარიშში ვერ აისახა ის

უპირატესობა, რაც ქართველებს მეორე ტაიმში ჰქონდათ. ჩვენთვის უფრო მნიშვნელოვანია ახალბედების კარგი თამაში, ვიდრე საცდელ ტურნირზე სამხრეთ აფრიკის „მომავლის ნაკრებთან“ წაგება.
ერთი კია, მართლაც გულდასაწყვეტია, როდესაც მთელი მეორე ტაიმი უტევ და მინიმუმ სამი სალელიოვე შეტევიდან ერთსაც ვერ გამოიყენებ. ან ორჯერ ძელს რომ გაარტყამ ბურთს და ექვს ქულას დაკარგავ. ერთი სიტყვით, გუშინ ქართველებს არ გაუმაართლათ, თუმც მთავარია, რომ გუნდს ტიმ ლენის ხელი და საქართველოში გატარებული დრო აშკარად ეტყობა და ნაკრებში ძირითადი და სათადარიგო მოთამაშის ცნება ნელ-ნელა ქრება.
ბაჩო სვანიძე

აკა ტონიას თვალით დანახული დინამო, ამერი და საქართველო

ფიფას ლიცენზირებულმა აგენტმა აკა ტონიამ ამ ერთ კვირაში ორი სერიოზული საქმე გააკეთა: საქართველოს ჩემპიონატის ერთ-ერთი საუკეთესო ფეხბურთელის, დიმიტრი ტატანაშვილის თბილისური „ამერიდან“ პლზენის „ვიქტორიაში“ ტრანსფერი მოაგვარა, ერთ-ორ დღეში კი საქართველოს ჩემპიონის თბილისის „დინამოს“ ახალი მწვრთნელი ჩამოუყვანა, გერმანელი რაინერ ცობელი. რა და როგორ იყო ტატანაშვილისა და ცობელის წაყვანა-წამოყვანისას, რა ხდებოდა ჩეხეთსა და გერმანიაში მოლაპარაკებებისას, კიდევ რას ველოდით დღესდღეობით ყველაზე ავტორიტეტული და პოპულარული ქართველი აგენტისგან უახლოეს მომავალში — ამ და სხვა კითხვებზე გუშინ აკა ტონიამ გვიპასუხა...

— რაინერ ცობელი „დინამოს“ შესაძლო მწვრთნელთა სიაში ერთადერთი კანდიდატურა არ ყოფილა, „დინამოს“ სხვა მწვრთნელების სამსახურიც შევთავაზე, მაგრამ საბოლოო არჩევანი სწორედ ცობელზე შეჩერდა — გვითხრა აკა ტონიამ — მწვრთნელთან მოლაპარაკებებისას მხოლოდ მისი სამწვრთნელო თუ ფეხბურთელის კარიერას არ ვითვალისწინებდით, ყურადღება მივაქციეთ ცობელის პიროვნულ თვისებებს. მას ნამუშევარი აქვს სხვადასხვა კულტურისა და მენტალიტეტის ქვეყნებში და ყველაზე საუკეთესო შედეგი აჩვენა. ცობელმა კარგად იცის ის ქვეყნებიც, სადაც არის სხვადასხვა სახის პრობლემები, მაგალითად, მსაჯობა, უხარისხო მოედნები... ის საკმაოდ გამოცდილი და ავტორიტეტული სპეციალისტია, თუმცა გავიმეორებ, რომ ცობელი მხოლოდ ამის გამო არ დანიშნულა „დინამოს“ თავაკად. სერ ალექს ფერგიუსონზე გამოცდილი და ავტორიტეტული სპეციალისტი ვინ არის, მაგრამ მისი სახელი სულაც არ

ნიშნავს, რომ მას სხვა გუნდებში ისეთივე წარმატება ექნება, როგორც „მანჩესტერში“...

— ანუ?
— ანუ ცობელმა იცის ის პრობლემები, რაც, შესაძლოა, აქ შეეძლოს, მას საქართველოს დარსაფეხბურთო ინფრასტრუქტურასა და მენტალიტეტის ქვეყნებში წარმატებით აქვს ნამუშევარი. ისე, სიტყვამ მოიტანა და, ალბათ აჯობებს, სანაკრებო მწვრთნელის შერჩევისას საქართველოს ფეხბურთის ფედერაციამაც ამავე კრიტერიუმებით იხელმძღვანელოს.

— როგორც ვიცით, ეროვნულ გუნდში პეტარ სეგრტის დანიშვნის მხარდაჭერი იყავით. ახლა, როცა ნაკრებმა ვერც ესტონეთს მოუგო და პორტუგალიასთანც უსუსურად ითამაშა, რას იტყვით?

— მიმანია, რომ იმ კანდიდატებს შორის, რომელიც აქამდე განიხილებოდა, სეგრტი საუკეთესო ვარიანტია, რადგანაც სხვადასხვა კრიტერიუმებს შორის გასათვალისწინებელი უნდა იყოს ფინანსური საკითხიც.



— საფეხბურთო სეზონის განახლებამდე კიდევ საკმაოდ დროა. მოსალოდნელია, რომ ქართული კლუბებში მწვრთნელი ან ფეხბურთელები ჩამოიყვანო?

— სამწუხაროდ, დღესდღეობით ქართული კლუბების უმრავლესობას არ აქვს იმის საშუალება, რომ კვალიფიცირებული უცხოელი მწვრთნელი მოიწვიონ. ერთადერთი „დინამო“, რომელიც ამას ახერხებს და დღემდე უპრინციპული რაინერ ცობელი მოჰყვა. რაც შეეხება ფეხბურთელებს, ეს, ცხადია, ცობელის შეხედულებაზე დამოკიდებულია, ის თბილისში რამდენიმე დღეში ჩამოვა, გუნდს დააკვირდება და შემდეგ იტყვის, რომელ პოზიციაზე სჭირდება გუნდს გაძლიერება. მხოლოდ მწვრთნელის სიტყვის შემდეგ იქნება შესაძლებელი უცხოელი ფეხბურთელების ჩამოყვანის პერსპექტივაზე საუბარი.

— ისე, რომელი ქვეყნის გუნდებთან თუ კოლეგებთან გაქვთ ყველაზე ახლო ურთიერთობა? ცობელი გერმანიიდან ჩამოიყვანეთ, ტატანაშვილი ჩეხეთში მოეწყო...

— კარგი და ერთგული მეგობრები თითქმის ყველა ქვეყანაშია.

— ტატანაშვილის „ვიქტორიაში“ ტრანსფერი როგორ გაიხარა?

— „ვიქტორიას“ მწვრთნელები ტატანაშვილით „ამერის“ ჩეხური შეკრებისას დაინტერესდნენ და მასზე წვრილ-წვრილად მთხოვდნენ ინფორმაციის მიწოდებას. ჩეხებმა ტატანაშვილის შესაძლებლობები შეისწავლეს და აგერ, მიიწვიეს კიდევ. სხვათა შორის, „ვიქტორიამ“ ტატანაშვილით კონტრაქტი ყოველგვარი გასინჯვისა და სხვა შედეგობების გარეშე გააფორმა, რაც საქართველოდან უცხოეთში წასული ფეხბურთელებისთვის არცთუ ხშირი ამბავია.

— ჩეხებისგან სხვა ქართველ ფეხბურთელებზე ხომ არ არის მოთხოვნა?

— ტატანაშვილი არ არის ერთადერთი, რომელსაც ჩეხები დღემდე აკვირდებიან.

— ისევ „ვიქტორიაზე“ ლაპარაკი?

— ამას ვერ ვერ გეტყვით.

— იმ ფეხბურთელთა ვინაობა მაინც გაგვიზიხეთ, ჩეხებს რომ აინტერესებთ...

— ისევ და ისევ ამერელებზეა მოთხოვნა. ჩეხებს დავით ბოლქვაძისა და გრიგოლ დოლიძის აყვანა სურთ. ამ ფეხბურთელთა თაობაზე მათთან უკვე ინტენსიური მოლაპარაკებები მაქვს.

— მოლაპარაკებები როდის დასრულდება?

— შეიძლება, დღესვე ითქვას საბოლოო პასუხი, შეიძლება, ხვალ.

პოპა ინასარიძე



სხადაკი ერთი წლით გაბრძელდა

აზერბაიჯანის ჩემპიონატში მხოლოდ ერთი წრე უთავკაცა კახა ცხადამე იქაურ „სტანდარდს“ და, როგორც ჩანს, მისი მუშაობით უკმაყოფილონი სულაც არ არიან. „სტანდარდმა“ ქართველ მწვრთნელს ერთი წლით გაუგრძელა კონტრაქტი.

აზერბაიჯანული ვებგვერდების ცნობით, გუშინ ცხადამესა და კლუბის ხელმძღვანელობის შეხვედრაზე ორივე მხარემ ასეთი გადაწყვეტილება მიიღო.

შეგახსენებთ: ცხადამე „სტანდარდში“ მეორე წრის დაწყებამდე მივიდა.

მიხეილ შორაშოლიანი

პაჭელო ნეფთჩი მოიპოვებს

გიორგი ჭაღალიძე გუშინწინ გვითხრა, რომ „ლოკომოტივის“ ხელმძღვანელობა დაპირებია, გუნდს მოგიტეხნოთ. ისიც დაამატა, რკინიგზელები უფრო გაყიდვას ფიქრობენ, რადგან ერთ წელიწადში კონტრაქტი მიმთავრდება.

„პაჭელოს“ მსურველი უკვე გამოჩნდა — ქართველი თავდამსხმელით აზერბაიჯანული „ნეფთჩი“ ყოფილა დაინტერესებული, თუმცა ამ ცნობის გამაგრებლებელ ვებგვერდს ერთი ლაფსუსი მოუვიდა — ჭელოძე მცველად მოიხსენია.

იმავე ვებგვერდის ცნობით, „ნეფთჩი“ და „ლოკომოტივი“ უახლოეს დღეებში დაიწყებენ მოლაპარაკებას.

შეგახსენებთ: „ნეფთჩი“ აზერბაიჯანის ჩემპიონატში მესამე ადგილი და ინტერტოტოს თასზე თამაშის უფლება მოიპოვა. ამ ბაქოურ კლუბში კიდევ ერთი ქართველი ირიცხება, გიორგი ადამია.

მიხეილ შორაშოლიანი



გადაწყდა: ზესტაფონის კამერუნული შენაკენები

საქართველოს თასის მფლობელმა „ზესტაფონმა“ გუშინ დაასრულა ბაკურიანული შეკრება და ახლა თბილისშია. 14 ივნისს თემურ მახარაძე გუნდს ურეკში წაიყვანს 10 დღით. იქამდე კი იმერლებმა ბოლნისის „სიონის“ კამერუნელი ფეხბურთელები — ბოიომო ფრიდოლინი და ერიკ რომეო ჩასები გადაიბირეს. ეს თავად ჩასემბაძე დაგვიდასტურა: „შეიძლება ითქვას, რომ „ზესტაფონის“ ფეხბურთელი ვარ, გუნდთან ერთად ვარჯიშს უახლოეს დღეებში დავიწყებ“.

რა იმერულ გუნდში, თუმცა მაშინ ამ საქმიდან არაფერი გამოვიდა. ფრიდოლინისთან და ჩასემბთან კონტრაქტები სამედიცინო შემოწმების შემდეგ გაფორმდება, გვითხრა „ზესტაფონის“ პრესატამე სერგო ფუტყარაძემ.

კიდევ ერთი ახალწვეული ზაურ ხაჭიპერაძე, ვინც ჭიათურის „მალარიოლის“ საკუთრებაა, თითქმის გადაწყვეტილია, ასევე „ზესტაფონში“ ითამაშებს. რაც შეეხებათ კონტრაქტდამთავრებულებს — ედიკ საჯაიას, მურთაზ დაუშვილს და გიორგი ხიდუშელს მათთან კლუბი მოლაპარაკებას აწარმოებს და რამდენიმე დღეში გაირკვევა ეს საკითხი.

შპრი ლოლაძე

ვიტ ჯორჯიას დაიწყო

თბილისის „ვიტ ჯორჯია“ უკვე ახალი სეზონისთვის ემზადება. ფეხბურთელებმა სამედიცინო შემოწმება გაიარეს და დღეიდან ვარჯიშსაც შეუდგებიან.

როგორც მთავარმა მწვრთნელმა ნესტორ მუმლაძემ გვითხრა, 3-4 ოთხი დღე გუნდი კუს ტბის მიმდებარე ტერიტორიაზე ირბენს, შემდეგ კი წვრთნა მცხეთაში გაგრძელდება.

ვეტერინარებს შეეხება ვერ არ აქვთ, თუმცა რამდენიმე ფეხბურთელით გაველიერდებით, გვითხრა მუმლაძემ.

შპრი ლოლაძე

პაატა დათუნაიშვილის გზა: ლიტვა ან საბერძნეთი

საქართველოს ჩემპიონატის ერთ-ერთი საუკეთესო მარჯვენა მცველი პაატა დათუნაიშვილი მალე უცხოეთის გზას დაადგება. უფროს დათუნაიშვილს კონტრაქტი დაუმთავრდა „ვიტ ჯორჯიასთან“ და შესაბამისად, უფრო ადვილად შეეძლება წასვლა, ვიდრე ზამთარში — პაატას წასვლა თითქოს მაშინაც გადაწყვეტილი იყო, მაგრამ მაინც ვიტყვით, რომ დარჩა და სეზონის მეორე წრეში ერთ-ერთი საუკეთესოც იყო. აკი, რამდენჯერმე ტურის სიმბოლურ ნაკრებშიც მოხვდა.

„სხვალიდან“ „ვიტ ჯორჯიასთან“ ერთად ვივარჯიშებ. სანამ უცხოეთში წავალ, მინდა, ფორმა შევინარჩუნო. რამდენიმე კლუბის ვარიანტი მაქვს და რომელიც რეალური იქნება, იქ წავალ“ — გვითხრა პაატამ, რომელთაც ზამთარში თურქული „ბურსასფორი“ და მინსკის

„დინამო“ იყვნენ დაინტერესებულნი. ამჯერად კი დათუნაიშვილს ლიტვური და ბერძნული კლუბები ეპატივებიან. აზერბაიჯანულ გუნდებზეცაა ლაპარაკი, მაგრამ პაატამ გვითხრა, იქ წასვლაზე ვერ არ ვფიქრობო.

„ლიტვაში რამდენიმე კლუბია, სადაც წასვლა სასარგებლოა. ჩემი მსურველი გუნდიც ლიტვის ჩემპიონატში ერთ-ერთი საუკეთესოა. რაც შეეხება საბერძნეთის ვარიანტს, უმაღლესი ლიგის კლუბზეა საუბარი, ილინდ ვერ დავაკონკრეტებ“.

შეგახსენებთ, პაატას გარდა „ვიტ ჯორჯია“ ზაზა სახოკიამ და ბაჩანა ცხადამემ დატოვეს. სახოკია სომხურ „მიკაში“ გადავიდა, ცხადამე კი შესაძლოა, აზერბაიჯანულ „სტანდარდში“ გადაბარდეს. სხვა დანაკლისი ვიტყვებს არ აქვთ.

ილია ნანოვაშვილი

ზურაბ ქვარაცხელია: მივდივარ და გული მრჩევს

— ნახევარი სეზონის უთამაშებელი იყავი. ეს არის „ამერიდან“ შენი წასვლის მიზეზი? — პირველად სწორედ ეს კითხვით ზურაბ ქვარაცხელიას.

— არა, უთამაშებლობა არაფერ შუაშია. ჩვეულებრივი ამბავია — „ამერიდან“ კონტრაქტი დამითავრდა.

— გავრძელებაზე ლაპარაკი არ ყოფილა?

— ამ საკითხზე საერთოდ არ გვიხატებოდა.

— იმიტომ ხომ არა, რომ ძირითადად ადგილი დაკარგე?

— არა მგონია, ასე იყოს. ფეხბურთელი ხან ძირითადად იქნება, ხან — სათადარიგო.

— ახლა რას აპირებ?

— მოდი, მომავალზე ახლა ნუ ვილაპარაკებთ. მხოლოდ ერთს გეტყვი, რომ ფეხბურთის თამაშს კიდევ ვაპირებ.

— რა მიგაქვს „ამერიდან“?

— სიყვარული, პატივისცემა და კარგი მოგონებები. მე მიყვარს „ამერი“ და ყოველთვის ამ გუნდის ქომაგი ვიქნები.

— გულდაწყვეტილი ჩანხარ...

— ცხადია, სხვანაირად აბა, რო-

თბილისური „ამერი“ კიდევ ერთმა ფეხბურთელმა დატოვა — გუნდს ამჯერად 35 წლის მეკარე ზურაბ ქვარაცხელია დაშორდა, ვინც „ამერიში“ ორნახევარი სეზონი გაატარა და ორჯერ საქართველოს თასიც აღმართა.

ზურაბ ქვარაცხელიას ახლახან დასრულებული ჩემპიონატის მეორე ნრეში არ უთამაშია.

გვესოვებათ, „ვიტ ჯორჯიასთან“ საშინაო მატჩისას ის არბიტრზე გაიქაჩა, გააძევეს და მოგვიანებით, სადისციპლინო კომიტეტის სასჯელიც მიიღო. ის თამაში გახლდათ ბოლო ამერიული თამაში ზურაბ ქვარაცხელიასთვის, მას შემდეგ კარი მისმა უმცროსმა კოლეგა ლადო ნადირაშვილმა ჩაიბარა...

გორ იქნება?! ამ გუნდში ორი წელიწადი გავატარე, ორჯერ მოვიგე საქართველოს თასი, ერთად გვიხაროდა და ერთად ვწუხდით, როცა ისე ვერ ვთამაშობდით, როგორც



არ მოვლოკე. ჩემს მაშინდელ საქციელს გამართლება არ აქვს თუნდაც იმიტომ, რომ მას შემდეგ აღარ მითამაშია.

— შენი ადგილი კი ლადო ნადირაშვილმა დაიკავა. მას რას ურჩევ?

— ლადოს ბევრად მეტი შეუძლია და დიდი ფეხბურთის სათამაშოდ ყველა მონაცემი აქვს. ვურჩევ, ვთხოვ, რომ კიდევ ბევრი იშრომოს და ნელ-ნელა თავისთავად გაერკვევა ყველა იმ ნიუანსში, რაც მეკარის თამაშისთვისაა დამახასიათებელი. ლადოს წარმატებასა და უმაღლეს დონეზე თამაშს ვუსურვებ.

— ყველაზე სასიამოვნო ამერიული მოგონება კი, ალბათ, მაინც ის თასები იქნება...

— რა თქმა უნდა, თასები და თასის დაუვიწყარი ფინალური მატჩები. სამწუხაროა, რომ „ამერიდან“ ერთად ჩემპიონობა ვეღარ შეგძენი, თუმცა, დარწმუნებული ვარ, „ამერი“ ამას მაინც შეძლებს და ვისურვებდი, რომ ამ მართლაც კარგ გუნდს, ეს ტიტულიც მაღე მოეგოს.

ზურაბ ქვარაცხელია ფოტო

გვესურდა. მაღლობელი ვარ მთელი „ამერის“, ამ გუნდში გატარებულ პერიოდს ყოველთვის სიამოვნებით გავიხსენებ.

— და „ვიტ ჯორჯიასთან“ იმ მატჩს ახლა როგორ გაიხსენებ?

— რა გითხრათ? ფეხბურთში ხდება ხოლმე ასე და ცუდია, რომ ამგვარი თავდაცვ შემთხვევა ეშხში ვიყავი შესული და ემოციები ვედ-

კობა ინასარიძე

გეორგიანული ფეხბურთის ლიგის გამგეობის გადაწყვეტილებით, მე-20 ეროვნული ჩემპიონატი 2 აგვისტოს დაიწყება და ახალი ფორმატით ჩატარდება. ახალი ფორმატი ქართველი გულშემატკივრებისთვის „სიახლე“ სულაც არ არის. ჩემპიონატის ორგანიზატორებს თითქმის ყოველ წელს უხდებოდათ ფორმატის შეცვლა და ჯერჯერობით, ისეთი ფორმატი ვერ მოიძებნა, სულ ცოტა, სამ სეზონზე მეტი რომ გაეძლო...

საქართველოს პრეზიდენტი ეროვნული ჩემპიონატი 1990 წელს გაიმართა გაზაფხულ-შემოდგომის სისტემით, მონაწილეობდა 18 გუნდი და უმაღლესი ლიგიდან გავარდა გათამაშებას ნაადრევად გამოკლებული ცხინვალის „ლიახვი“.

მომდევნო ჩემპიონატში გუნდების რაოდენობა ოცამდე გაიზარდა. უმაღლეს ლიგას უკვე ერთი გუნდი დაემშვიდობა, ისიც პლეიოფით. ერთი: ჩემპიონატი ჩატარდა გაზაფხულზე მხოლოდ ერთ წრედ.

იმავ წელს ეროვნული ჩემპიონატი შემოდგომა-გაზაფხულის სისტემაზე გადავიდა. მონაწილეთა რაოდენობა 20, გავარდნილთა — 2.

1992-93 წლებში გუნდების რაოდენობა უცვლელია, უმაღლესი ლიგიდან არავინ გავარდნილა, მხოლოდ ადგილის შენარჩუნებით მიიხსნა სამი გუნდი.

სამმა გუნდმა მონაწილეობა ვერც 1993-94 წლებში მოახერხა, რომლის ფორმატი მნიშვნელოვნად შეიცვალა — ჩემპიონატში მონაწილეობდა 19 გუნდი (მიზეზთა გამო ჩემპიონატს გამოაკლდნენ სოხუმის „ცხუმი“, გალის „მზიური“ და ოჩამჩირის „ამირანი“). გუნდები გაყოფილნი იყვნენ ორ ჯგუფად. ჯგუფში საუკეთესო ხუთეულზე გააგრძელეს მდებარეობის ბრძოლა, სხვებმა კი — ადგილის შესანარჩუნებლად.

გავარდა ოთხი გუნდი, გადმოვიდა ერთი, რამაც მომდევნო ჩემპიონატის ფორმატის შეცვლის აუცილებლობა თავისთავად გამოიწვია.

მომდევნო ექვსი ჩემპიონატი უკვე 16-გუნდიანი იყო, თუმცა მცირე ცვლილებები მაინც მოხდა.

1994-95 და 1995-96 წლებში გავარდა 2-2

საქართველოს ეროვნული ჩემპიონატის რეგლამენტი

1990	18	1	3
1991	20	1	1
1991/92	20	2	2
1992/93	20	0	2
1993/94	22	4	1
1994/95	16	2	2
1995/96	16	2	2
1996/97	16	3	3
1997/98	16	2	2
1998/99	16	2	2
1999/00	16	4	0
2000/01	12	3	3
2001/02	12	2	2
2002/03	12	3	1
2003/04	12	3	1
2004/05	10	0	6
2005/06	16	3	1
2006/07	14	3	3
2007/08	14	3	1

შენიშვნა: პირველი სვეტი — სეზონი, მეორე სვეტი — გუნდების რაოდენობა, მესამე სვეტი — გავარდნილთა რაოდენობა, მეოთხე სვეტი — აღზევებულია რაოდენობა

გავარდა სამი გუნდი.

1997-98 და 1998-99 — გავარდა ორ-ორი გუნდი, ორ-ორიც გადათამაშებაში მოხვდა.

1999-00 — 16 გუნდი გაიყო ორ 8-გუნდიან ჯგუფად. ჯგუფებში ოთხი-ოთხი საუკეთესო მდებარეობისთვის იბრძვის, სხვები — დასარჩენად.

მიძიმე ბრძოლები ჰქონდათ აუტსაიდერებსაც — უმაღლესი ლიგიდან გავარდა ოთხი გუნდი და მომდევნო ოთხი ჩემპიონატი 12-გუნდიანი გახდა, თუმცა ცვლილებები იქაც მოხდა.

2000-01, 2001-02 და 2002-03 წლებში 12-გუნდიანი ჩემპიონატი იყო — ორი წრის შემდეგ გუნდების მიერ მოპოვებული ქულების განახევრებით დაიყო ზედა და ქვედა ექვსეულად.

გავარდა 2 გუნდი, ერთიც გადათამაშებაში მოხვდა.

2003-04 წლებში კი 3 გავარდა, 1 გადმოვიდა და ჩემპიონატიც 10-გუნდიანი გახდა.

2004-05 წლებში 10-გუნდიანი ჩემპიონატიდან სამომავლოდ რაოდენობის გაზრდის გამო არავინ გავარდნილა.

2005-06 წლებში ჩემპიონატი უკვე 16-გუნდიანია. ელიტიდან გავარდა 3, ერთი კი გადათამაშებაში მოხვდა.

2006-07 წლებში ჩემპიონატი თოთხმეტე-გუნდიანი ხდება — გავარდა 2, ერთიც გადათამაშებაშია.

2007-08 წლებში 14-გუნდიანი ჩემპიონატიდან გავარდა 3, 1 გადათამაშებაში მოხვდა და ბოლოს: მე-20 ჩემპიონატი 12-გუნდიანია და სამ წრედ ჩატარდება. გავარდება 2, ერთი კი გადათამაშებაში მოხვდება.



ზაზა ზაიმთარაძე და გიორგი კიკნაძე

კიკნაძემ პარჯიუს თაბაში მიუხატა

პრემი კვირაა, თბილისის „ლოკომოტივი“ ინტერტოტოს თასისთვის ემზადება.

მოგვხსენებთ, „ლოკომოტივი“ 21 ივნისს ლუგსკებურგულ „მეტცელას“ შეხვდება სტუმრად.

ბოლო რამდენიმე დღეა, გიორგი კიკნაძემ გუნდი ორჯერად ვარჯიშებზე გადაიყვანა, დღეს კი საკონტროლო მატჩსაც გამართავენ პირველილიგელ „ოლიმპიკთან“.

საბოლოოდ გადაწყდა, რომ რატი ალექსიძე და ვიტალი დარასელია „ლოკომოტივში“ დარჩებიან. თბილისურ გუნდში ითამაშებენ ახალწვეულები, ზურაბ ბათიაშვილი და ირაკლი ჩირიკაშვილიც.

კიკნაძის სამწყსოს ერთი ახალი ფეხბურთელიც შეემატა — თბილისის „მერანის“ მარცხენა მცველი ლევან სარალიძე.

ისიც ვთქვათ, რომ მიხეილ ალავეიძის გარდა გუნდი არავის დაუტოვებია, თუმცა გასარკვევია გიორგი ქუცურუას საკითხი და უახლოეს დღეებში ამასაც მოეფინება ნათელი.

როგორც მწვრთნელმა ზაზა ზაიმთარაძემ გვითხრა, ინტერტოტოს თასის მატჩამდე აღარავის დაიმატებენ და ამ შემადგენლობით შეებრძოლებიან ლუგსკებურგელებს.

ზაიმთარაძის თქმით, 16 ივნისს საქართველოს მოყვარულთა ნაკრებთან გეგმავენ კიდევ ერთ ტესტ-მატჩს, შემდეგ კი „მეტცელას“ და იმედია, ჩვენებს ამ ბარიერის დაძლევა არ გაუჭირდებათ.

ნუბრი ლოლაძე

NBA კლბი ოფი. ფინალი შემთხვევითობა გაპოზიციონირდა ბრაიანტმა კოლინგუდური კუბლიკა დაამუშავა

მესამე თამაში. ლოს ანჯელესი
10 ივნისი
ბოსტონი 2:1 ლეიკერსი
ლეიკერსი 87:81 ბოსტონი
20:20 23:17 17:25 27:19

ლეიკერსი: ფიშერი (6), ბრაიანტი (36),
რადმანოვიჩი (3), ოდომი (4), გასოლი
(9 ქულა, 12 მოხსნა); ვუიჩიჩი (20),
ფარმარი (5), არიზა (4), ტურიაცი, უო-
ლტონი
ბოსტონი: რონდო (8), ალენი (25), პი-
რსი (6), გარნეტი (13 ქულა, 12 მოხსნა),
პერკინსი (8), პოუზი (9), ჰაუსი (6), ბრა-
უნი (3), კასელი (2), პოუი (1)

ამერიკელები გიჟდებიან სტატი-
სტიკაზე. თუნდაც ნბა-ში, რეგუ-
ლარულ ჩემპიონატში თითო გუნდს
82 თამაში უწევს, პლეი ოფში კი
სერიები 4 მოგებად. რა ამბავი-
აო, გაიგონებთ, მაგრამ ამ შემთხ-
ვევაში რაოდენობა ნამდვილად არ
აფუჭებს ხარისხს. ამერიკული სე-
რია ევროპულ ერთ მატჩად რომ
ქველდებოდა, წარმოვიდგინათ, რამდენ
კარგ თამაშს „დაკარგავდა“ მაყუ-
რებელი? ერთი თამაშით რომ ვლი-
ნდებოდეს გამარჯვებული, მაშინ ვი-
ნმე შემთხვევით, ვთქვათ, ლეონ პო-
უი შეიძლება, ფინალის საუკეთეს-
ო მოთამაშეც კი გამხდარიყო. მა-
ნამდე ბევრი არაფრით გამოჩეუ-
ლმა „ბოსტონის“ სამარქაფო ფო-
რვარდმა პოუიმ მეორე თამაშში 21
ქულა გააკეთა, მაგრამ მისი გაბრ-
წყინება შემთხვევითი რომ იყო,
აგერ, „სელტიქს“ — „ლეიკერსის“
მესამე ჯახში გამოჩნდა. პოუის 1
ქულა კიდევ ერთხელ ადასტურებს
ამერიკული სქემის სისწორეს.

სერიაში, სადაც გამარჯვებულად
ოთხი თამაშის მოგები ცხადდება,
შემთხვევითობები პრაქტიკულად
გამორიცხვულია და ამ სერიის მო-
გები ყველა ეჭვის გამფანტავი და
ნამდვილი ჩემპიონია.

და რადგან „ბოსტონს“ ჯერ 4
თამაში არ მოუვია, წინასწარ ნუ-
რავინ „არუქებს“ ტიტულს, მით უმ-
ეტეს, რომ „ლეიკერსი“ დანებებას
არ აპირებს.


დაძაბული გამოვიდა მესამე ჯა-
ხიც. ბოსტონში ზედიზედ ორჯერ
ძლეულ „ლეიკერსს“ უკან დახე-
ვის უფლება არ ჰქონდა. ნერვიუ-
ლობა ყველა ლოსანჯელესელი,
ვინაც 10 ივნისს „სტივლ სენთერ-
ის“ კომფორტული პირველი რი-

გიდან, თუ იაფფასიანი ქანდარი-
დან აღევენება თვალს ტიტანთა
რკენას. შავტუხა მეჯიქ ჯონსონი
A4 ფორმატის ქალაქლივით გა-
ფითრებულიყო; ჯეკ ნიკოლსონს
თვალები შავი სათვალის მიღმა ჩა-
ემალა, ხოლო ნიკაპი — მუჭში;
სილვესტერ სტალონე კი სკამზე
კი არა, ნემსებზე იჯდა.

მაგრამ კობი ბრაიანტმა ყველა
დაამშვიდა. რეგულარული ჩემპიო-
ნატის უძვირფასეს მოთამაშეს ნა-
მდვილად არ სურს ფინალის უძ-
ვირფასესობის დაკარგვა — სამჯერ
გახდა ჩემპიონი და სამჯერვე სხვას
(შაილ ონილს) დარჩა ეს ტიტულ-
ი. წინა ორ თამაშზე, აბა, რა
იტიქის, მან ვერ მოაგებინა თავის
გუნდს, ახლა კი შეუდარებელი იყო
და ყელში დაცვაწაჭერილი თამაშ-
ში 36 ქულით გაიბრწყინა, სხვა
ვარსკვლავები ოდნავ კიაფობდნენ.
ჩაქრა გარნეტი, ჩაფლავდა პირსი,
ვერ ნავარდობდნენ ოდომ-გასოლიც.
მხოლოდ ბოსტონელი რეი ალენი
ჰგავდა ნამდვილ სუპერსტარს, მა-
გრამ ბრაიანტთან ისიც ვერ მივი-
და. ის თავადაც ქულადა „ბოსტ-
ონის“ კალათს და სხვებსაც ამხ-
ნებდა. დაძაბულ, ლამის ქულა ქუ-
ლაში მავალ თამაშში „ლეიკერსმა“
მხოლოდ ბოლო მეოთხედში გა-
ტეხა მეტოქე — მანამდე ჩაძინე-
ბულმა გასოლმა ფარქვეშიდან ორი
ორიანი ჩააგდო, ორ წუთზე ოდნავ
ნაკლები რომ რჩებოდა, საშა ვუი-
ჩიჩმა უმნიშვნელოვანესი სამქუ-
ლიანით 81:76 დააწინაურა თავისი
გუნდი, ცოტა ხანში კი დერეკ ფი-
შერმაც წყვილი საჯარიმოთი მი-
სცა ბანი.


ბოსტონელებს კი, რომელთაც შე-
ეძლოთ, 2:0 3:0-ად ექციათ და გუ-
ლი დაეარხინებინათ, ამ წაგებისგან
ტრაგედია არ შეუქმნიათ. „ცუდად
კი ვითამაშეთ, მაგრამ მაინც გეჭო-
ნდა მოგების მანსი და ესაა პოზი-
ტივი — თქვა ალენმა ნამატჩევს —
არ იფიქროთ, იმას ვამბობდე, კარ-
გები და გადასარეგები ვიყავით-მე-
თქი. იმის თქმას ვცდილობ, რომ დიდი
რეზერვი გვაქვს და მომავალში აუ-
ცილებლად გამოვჩნებით“.

მანო კობიაშვილი



სერია მისხრობ. 1985 ლეიკერსი 4:2 სელტიქსი

ლეიკერსის სხრაში ერთი



ქარიმ აბდულ-ჯაბარი (№33)

1984 წლის ისტორიული სერია რომ დამთავრდა,
„სელტიქსთან“ 3:4 დამარცხებული „ლეიკერსი“ მაშინვე
როდი გაფრინდა ლოს ანჯელესში. დამარცხებულები
სასტუმროს ნომრებში შელავდნენ, ბოსტონურ რადიო-
რებს უსმენდნენ და არავის სურდა სიწუმის დარღვევა.
მეჯიქ ჯონსონმა ორი უახლოესი მეგობარი, დეტროიტე-
ლი აიზა ტომასი და დალასელი მარკ აგუარი ბარში
ჩაიყვანა გულის გადასაყიდებლად. ისაუბრეს ყველაფე-
რზე — მუსიკაზე, მანქანებზე, ძველ დროებზე. ოღონდ
არა კალათბურთზე. არავის გაუხსენებია მეჯიქთან ის
ორკვირიანი ბოსტონური კომპარი. გრძელი დამე იყო...

მეორე დღიდან კი ბოსტონელებმა ძლეულ ლოსან-
ჯელესელთა ცეცხლოვანი გულბეზი ნათის და-
სხმა იწყეს. კევინ მაკჰეილმა „ლეიკერსის“ ლიდერს
„ტრეჯიქ“ ჯონსონი უწოდა მეჯიქ ჯონსონის ნაცვლად
(აქიოდა, ჯადოსნური ტრაგიკულად გადაიქცა). ლა-
რი ბერდმა კი ასეთი მწარე სარკაზმი ესროლა —
„ჩვენ მათ საშუალება მივცით, საკუთარ თავთან მარ-
ტო დარჩენილიყვნენ და მომხდარი გაენალიზები-
ნათ. დარწმუნებული ვარ, მათ ისეთი მოთამაშეები
ჰყავთ, რომლებმაც ისე ვერ ისროლეს, როგორც მთ
კალიბრს შეეფერება“. ბერდს არ უხსენებია, მაგრამ
ბავშვებიც კი მიხვდებოდა, რომ ის მეჯიქ ჯონსონს
აჯავრებდა. მოკლედ, „სელტიქსმა“ ბოლომდე შეიტკბო
ისტორიული მეტოქის ძლევის სიხარული.

რამდენიმე თვის შემდეგ ჯონსონი და ბერდი სარე-
კლამო ტურნეში მიიღებენ მონაწილეობას და იქ და-
ძმობილდებიან, მაგრამ ამით მათ სპორტულ დაპირი-
სპირებას ვნება არ მოჰკლებია, პირიქით, მეტი ხი-
ბლი შეიძინა.

ბერდი სპორტული კარიერის პიკზე იყო. 28 წლი-
სამ 1985 წელს ზედიზედ მეორედ გაიყვანა „სელტი-
ქსი“ ფინალში, თანაც რეგულარულ ჩემპიონატში სა-
შუალოდ ნაგროვები 28,7 ქულით, 10,5 მოხსნით და
6,6 პასით ზედიზედ მეორედ დაასახლეს უძვირფა-
სეს მოთამაშედ. დასავლეთიდან კი ფინალში, რაღა
თქმა უნდა, მოიქაროდა ჯადო-კაცი თავისი გუნდით.
იმ წელს ფინალი პირველად ჩატარდა 2-3-2 სის-

ტემით, ანუ ორი თამაში ბოსტონში, სამი ლოს ანჯე-
ლესში და ბოლო ორი ისევ ბოსტონში (მეშვიდე
თამაშამდე საქმე აღარ მისულა). სადებიუტო შეხვე-
დრაში კვლავ თავი იჩინა „ბოსტონ გარდენის“ ჩახუ-
თულმა, ცუდად განიავებულმა ატმოსფერომ, სადაც
ტემპერატურა ბევრით სცდებოდა 30 გრადუსს. 38
წლის ქარიმ აბდულ-ჯაბარს მოედანზე სირბილი კი
არა, სიარულიც უჭირდა და ბევრად უკეთ ვერც 25
წლის ჯონსონი გრძობდა თავს. „ბოსტონმაც“ 148:114
გაანადგურა „ლეიკერსი“. როდემდე უნდა გეტანვოს
ამ გუნდმა? ჩიოდნენ ლოსანჯელესელები. ისინი ისეთ
გაუსაძლის ვითარებაში აღმოჩნდნენ, როგორიც ან
წაგატყვევს, ან კაცად გაქცევს. მათ გაუძლეს და მაყუ-
რებელს აჩუქეს იშვიათი სანახაობა, ბოლომდე ბრძო-
ლის მაგალითი და მაინც გაიტანეს თავისი.

პირველ თამაშში კი „სელტიქსს“ ყველაფერი გამო-
სდიოდა. სათადარიგო სკოტ ველმანმაც კი 11-ვე სროლა
ჩააგდო. „ეს ისეთი იბლბლანი დღე იყო, რომ ფარის-
კენ ზურგშექცეულს ბურთი უკან რომ გადაგვგდო,
მაინც ჩავარდებოდა“ — ამბობდა გამარჯვებულთა
თავკაცი კეისი ჯონსი.

მეორე თამაშში ყველაფერი შეტრიალდა. ქარიმ
აბდულ-ჯაბარმა ბოდიში მოუხადა თანაგუნდელებს
ორი დღის წინანდელი უსუსური თამაშისთვის, მოე-
დანზე შევიდა და... 30 ქულა, 17 მოხსნა, 8 პასი და 3
დაფარება გააკეთა, „ლეიკერსმა“ კი სერიაში ანგარი-
ში გაათანაბრა.

შინ დაბრუნებულმა „ლეიკერსმა“ იოჯად მოიგო მესა-
მე თამაში — ჯაბარმა აბჯერად 26 ქულა და 14 მოხსნა
გაკეთა, ჯეიმს უორსიმ კი 29 ქულით მისცა ხმა.

უდაძაბულები გამოდგა მეოთხე ჯახი: 105:105 ანგა-
რიშზე ლარი ბერდმა ორი დამცველის ხელბეზი
მისცა პასი დენის ჯონსონს და მაინც გადაამწყვეტი
ბურთი ჩააგდო, რითაც სერია მეორედ გაათანაბრდა.
არა, ნამდვილად არავის სურდა დათმობა.

მეხუთე თამაშის დასაწყისში „ლეიკერსს“ ერთობ
გაუჭირდა ბოსტონელთა თვდამსხმელ კევენ მაკჰეი-
ლთან გამკლავება. ის და ბერდი შეხმატკბილებუ-
ლად მოქმედებდნენ და „მაკმა“ ბევრი ჩაყარა. „ლეი-
კერსის“ თავკაცმა პატ რაილიმ მისი განერება ჯაბა-
რის მეშვეობით სცადა და 218-სანტიმეტრიანმა ცე-
ნტრმა გაცილებით დაბალ თბონენტს ხელი აღარ
განძირებინა. ჯაბარს სულ 36 ქულა მოუგროვდა,
რომლის დიდი წილიც მეჯიქის პასებით ჩაყარა და
„ლეიკერსმაც“ 120:111 იძალა.

დაძაბულობამ პიკს შეექვსე, ბოსტონურ თამაშში
მიადწია — პირველი ტაიმის შემდეგ ანგარიში 55:65
გახლდათ. რაილიმ შენიშნა, რომ მისმა თბონენტმა
მხოლოდ 7 კაცი ათამაშა პირველ ტაიმში, ბოსტონე-
ლებს ქანცი ჰქონდათ გაწყვეტილი და მან ასეთი
განკარგულება გასცა — „მოუმატეთ ტემპს, აკეთეთ
ბევრი პასი და ნუ შეგეშინდებათ დაკარგვების. მთა-
ვარია, ეგენი ბოლომდე დაედალოთ“.

მეჯიქმა მოედანზე პირდაპირ ცეცხლი დაანთო. „სე-
ლტიქსი“ მაკჰეილის (36 ქულა) წყალობით უძალია-
ნდებოდა. ჩვეულებრივ ხელბასრი ბერდი ბევრს აცი-
ლებდა, თუმც თითქმის 30 ქულა ჩაგდო, მაგრამ „ლე-
იკერსს“ შეჩერება უკვე შეუძლებელი იყო. ჯაბარმა
კიდევ ერთხელ აჯობა მოწინააღმდეგეებსაც და მიი-
მე ჰაერსაც, მეორე ტაიმში 18 ქულა გააკეთა, (სულ
29) და შეექვსე თამაში 111:100 მოაგებინა „ლეიკერსს“.

ოპ, როგორ ელოდა მთელი ლოს ანჯელესი ამ დღეს.
„სელტიქსთან“ ზედიზედ რვა წაგებულ ფინალში და-
გროვილმა მუხტმა მთელი ძალით იფეთქა. „ლეიკე-
რსმა“ პირველად, მხოლოდ მეცხრე ცდაზე დაამარცხა
„სელტიქსი“ ფინალში. ფინალური სერიის უძვირფა-
სეს მოთამაშედ კი ქარიმ აბდულ-ჯაბარი დაასახლდა.
მეჯიქ ჯონსონი ყვიროდა — „ხომ დავაძარცხეთ?
მაინც ხომ დავაძარცხეთ? მთელი წელი ველოდი ამას,
ამ მოლოდინმა გამხადა ასეთი ძლიერი“.

ირაკლი ფირაშვილი



სილვესტერ სტალონე ნერვიულობისგან თამაშს ვეღარ უყურებდა



რუბრიკას
წარმოგიდგინებ



№ 1 საავტომობილო ზეთი

კანადური ბაღყალი დევიდ კულტჰარდის 62-ე პოდიუმი

ბასულ უქმეებზე გამართული კანადის დიდი პრიზის ერთ-ერთი უმთავრესი გმირი ვეტერანი შოტლანდიელი დევიდ კულტჰარდი იყო, რომელმაც „BMW-ზაუბერის“ პილოტების, რობერტ კუბიცასა და ნიკ ჰაიდფელდის შემდეგ მესამე უწია ფინიშს და თავის ხანგრძლივ, 15-სეზონიან კარიერაში 62-ედ შედგა პოდიუმზე ფეხი.

ისიც სათქმელია, რომ წლეულს კულტჰარდი, კანადამდე უქულოდ იყო და „რედ ბულისთვის“, თითქოს მარტო ავსტრალიელი მარკ ვებერი შრომობდა. ახლა კი კულტჰარდმაც აიღო 6 ქულა და „რენოს“ ძრავიანი „წითელი ხარები“ გუნდურ ჩათვლაში „რენოზე“ მადლა, მე-4 ადგილზე არიან და მხოლოდ ტოპ-გუნდებს, „ფერარის“, „BMW-ზაუბერს“ და „მაკლარენს“ ჩამორჩებიან.

„უაღრესად კმაყოფილი და ბედნიერი ვარ. სეზონი ჩემთვის ძალიან რთულად დაიწყო და ნამდვილად არ მეგონა, მონრეალში პოდიუმზე თუ შევდგებოდი. ეს მშვენიერი საჩუქარია გუნდისთვის, რომელმაც ბოლო ხანებში კოლოსალური სამუშაო ჩაატარა — განაცხადა შოტლანდიელმა და დამატა — ეს ჩემი 62-ე პოდიუმი და მე ვისხენებ 1994 წლის კანადის დიდ პრიზს, როდესაც პირველი ჩასათვლელი ქულები მოვიპოვე. 15 სეზონი, ეს ძალიან დიდი დროა, თუმცა ეს საქმე ჯერაც არ მომეორებია“.

„რედ ბულის“ ხელმძღვანელის კრისტიან პორნერის აზრით, მონრეალში მიღწეული წარმატება უაღრესად მნიშვნელოვანი იყო კულტჰარდისთვის. „პოდიუმზე კანადაში, ეს მშვენიერი შედეგია მთლიანად გუნდისთვის და კერძოდ, დევიდისთვის. ბოლოდროინდელი წარუმატებლობების შემდეგ ის ვერ იყო კარგ ხასიათზე და მუდმივად ვუუბნებოდი, რომ ყველაფე-



რი კარგად იქნებოდა, მთავარი იყო, ფოკუსი არ დაეკარგა. მან დიდებული რბოლა ჩაატარა, გამოიყენა რა თავისი უზარმაზარი გამოცდილება. თანაც ჩვენმა სტრატეგიამაც გააძლიერა და შედეგიც მივიღეთ. ძალიან მოხარული ვარ როგორც დევიდის, ისე მთელი გუნდის გამო — წლევეანდელი სეზონის მეშვიდე რბოლაში ჩვენი პილოტები მეექვსედ მოხვდნენ ქულათა ზონაში — განაცხადა პორნერმა AUTOSPORT-თან ინტერვიუში და იქვე დაამატა — ყველა, ვისაც 200-ზე მეტ რბოლაში მიუღია მონაწილეობა, მოხვედრილა რთულ მდგომარეობაში. კულტჰარდი ნამდვილი პროფესიონალია. ის ჯერაც არანაზულად მოტივირებულია და ძალუძს სიმძლეების გადალახვა. კანადური პოდიუმი დევიდისთვის ბალზამით არის და მჯერა, კიდევ ბევრ წარმატებას მიაღწევს“.

ბას ლოგანი

საქართველოს ჩემპიონატი კაცები. ფინალი

სტუდენტებსა ნაბიჯული მოაზრუნეს

სასპორტო 3:2 ცაგერი
25:27, 20:25, 25:17, 25:21, 15:13
გუშინ საქართველოს აგრარული უნივერსიტეტის სპორტულ დარბაზში საქართველოს ჩემპიონატის ფინალური შეხვედრა გაიმართა კაც ფრენბურთელთა შორის. გადაწყვეტ მატჩში ერთმანეთს ცაგერის „ცაგერი“ და თბილისის სდასუ დაუპირისპირდნენ. გამარჯვებულის გამოვლენას ხუთი სეტი დასჭირდა. სტუდენტებმა საკმაოდ დამაბულ ბრძოლაში შესძლეს მატჩის მოგება.

თამაში ცაგერელთა უპირატესობით დაიწყო. მათ პირველ პარტიამ 27:25 იმარჯვეს და ფინალურ შეხვედრაში ანგარიში გახსნეს. მეორე სეტი „ცაგერმა“ პირველზე უფრო დამაჯერებლად ჩაატარა. სტუ-

დენტებმა 25:20 მოიგეს და თითქოს საქართველოს ჩემპიონის ვინაობაც გამოავლინეს. მესამე სეტი სიტუაცია რადიკალურად შეიცვალა. სდასუს ახალგაზრდა მობურთალებმა თამაშის ბედი მოატრიალეს — 25:17. სტუდენტებს არც მეოთხე სეტის მოგება გასჭირვებიათ. სტუდენტები ბევრ ელემენტარულ შეცდომას უშვებდნენ და დაისაჯნენ კიდევ — 25:21.

გადამწყვეტ სეტი ცაგერელები 8:4 იგებდნენ, მაგრამ საბოლოოდ დამარცხდნენ — 15:13. საქართველოს ჩემპიონატის გამარჯვებული სდასუ გახდა. მეორე ადგილზე „ცაგერი“ გავიდა, ხოლო ბრინჯაოს მედლები „ვაზტრანსგაზის“ გუნდმა დაისაკუთრა.


ზურაბ მიგრიაული

ჩემპიონი ოქრო-ბრინჯაო

ჩემპიონის დედაქალაქ პრალაში გამართულ საერთაშორისო ტურნირზე სამმა ქართველმა მოცურავემ — ირაკლი რევიშვილმა (200, 400 და 1 500 მეტრი თავისუფალი სტილი), ანა სალნიკოვამ (50 და 100 მეტრი ბრასი) და გიორგი მთვრალაშვილიმა (50 მეტრი ბრასი, 200 და 400 მეტრი კომპლექსური ცურვა) — იასპარეზა. ირაკლი რევიშვილმა 400 მეტრზე თავისუფალი სტილით ცურვაში ოქროს მედალი მოიპოვა. მანვე 1 500-მეტრიან დისტანციაზე ბრინჯაო აიღო. ბრინჯაოს მედლის მფლობელი გახდა გიორგი მთვრალაშვილიც. იგი ტურნირის პრიზიორი 400 მეტრზე კომპლექსურ ცურვაში გახდა.


ზურაბ მიგრიაული

კოტორას ახალი ალბომი



ალექსანდრე კოტორაშვილის დარი პროდუქტიული ფოტოგრაფი საქართველოში ერთი-ორი თუ იქნება. თუმცა, ცხადია, საქმე პირველ რიგში ხარისხშია და „კოტორას“ ფოტოებისთვის წუხის მოძებნა მნელი რომ არის, მთავარიც ეგაა. ალექსანდრე კოტორაშვილმა ახლა ხანს ახალი ალბომი გამოსცა, რომელშიც მისი 46 ფოტოა შესული. მათგან უძველესი 1965 წლით თარიღდება, უახლესი კი — 2006 წლით. ამ ფოტოების უმრავლესობა ისეთია, ძველი დროიდან რომ გვახსოვს. „კოტორას“ ფოტოების დავიწყება მართლა ძნელია.

მეორე წრის ქართველები



ეკა კრავჩენკო

ნი მეორე წრეში გავიდა. ეკა გორგოძემ რუს ეკატერინა კრავჩენკოსთან რომ მოუგო, ამაზე უკვე გვქონდა საუბარი და მეორე წრეში ეკა თურქეთის პირველ ჩოგანს, მეორე ნომრად განთესილ კავლა ბუიუკაჩაის შეხვდება, რომელმაც გორგოძესავით კვალიფიკაციაგავლილ ანა ჯიქიას 6:1 6:4 აჯობა.

ჯიქიას გარდა, პირველ წრეში სოფო ქვაცაბაიაც დამარცხდა, ოღონდაც სოფოს მეორე ჩვენებურმა, ოქსანა კალაშნიკოვამ მოუგო 7:5 6:1. კალაშნიკოვასა და გორგოძის გარდა, მეორე წრეში ითამაშებს მანანა შაფაქიძეც, რომელმაც ავსტრალიელი ჯეიდ ჰოპერი დაამარცხა.

მეორე წრეში გორგოძე, როგორც ვთქვით, თურქ ბუიუკაჩაის ხვდება, კალაშნიკოვა — რუს მარია ჟარკოვას, ვისაც რეიტინგის 703-ე პოზიცია უკავია, ხოლო შაფაქიძის მეტოქე კლასიფიკაციის 973-ე ნომერი, ბელგიელი ინეკ მერგეტი იქნება.

ამასობაში უკრაინული ჩერკასკი, სადაც კაცთა 10-ათასიანი შეჯიბრი მიმდინარეობს, ქართველებიც გან დაცალა. ტურნირს შემორჩენილი უკანასკნელი ჩვენებური ლაზარე კუხალაშვილი პირველ ნომრად განთესილ მასპინძელთან, რეიტინგის 411-ე საფეხურზე მყოფ არტიომ სმირნოვთან 0:6 3:6 დამარცხდა.

წლეულს უაღრესად წარუმატებლად მოთამაშე მაკა ჩახნაშვილისთვის ვერც საფრანგეთში, მარსელის თიხნარზე ITF-ის ვედიით მიმდინარე 75-ათასიანი ტურნირი გამოდგა ილბლიანი. საქართველოს საუკეთესო ჩოგბურთელმა პირველივე წრეში 6:3 4:6 3:6 წააგო რეიტინგში 206-ე პოზიციაზე მყოფ 20 წლის რუმინელ აგნეშ ჟატარისთან და შეჯიბრი ნაადრევად დაასრულა.

აი, ანა ტატიშვილმა კი მოგებით დაიწყო. ამერიკის შერთებულ შტა-


ტებში, ტენასური ელ პასოს ჰარდზე 25-ათასიანი ტურნირი ტარდება და მეორე ნომრად განთესილმა ქართველმა კლასიფიკაციის 518-ე ნომერს, ამერიკელ ალექსის პრუსისს 3:6 6:1 7:5 სძლია. მეორე წრეში ანას მეტოქე ორი კვალიფიკანტი მასპინძლიდან ერთი იქნება — ან ლინდსი ლიუოტერსი, ანაც ანა ვიშნიკი.

თურქეთში, სტამბოლის მაგარსაფარზე კი 10-ათასიანი ტურნირია, რომლის ძირითად ბადეში ხუთი ჩვენებური იყო და სამი მათგა-



დეტროიტულ მანქანას ფრთები სარდაფიდან ეზრდება

ექსნლიანი შესვენების შემდეგ „დეტროიტი“ ნკლ-ის უმაღლეს მწვერვალზე დაბრუნდა. მიჩიგანურმა გუნდმა ბოლო 12 წელიწადში მეოთხე სტენლის თასი მოიგო და კიდევ ერთხელ დაამტკიცა, რომ ისევ რჩება ტოპკლუბად. თუმც უკანასკნელი ტრიუმფი წინა სამი გამარჯვებისგან ძალიან განსხვავდება, რადგანაც ბოლო წლებში გუნდმა სახე იცვალა. ვარსკვლავებით გადაჭედული წინა ფორმაციის „დეტროიტისგან“ განსხვავებით ამ გუნდის წარმატების მთავარი მიზეზი საკლუბო ადმინისტრაციის ჭკვიანური მუშაობა გახდა



პოსტ-ლოკალური პოპა

ოთხიოდ წლის წინ გადატანილმა ლოკალუტმა, რომლის გამოც 2004-05 წლების სეზონი მთლიანად ჩავარდა, ყველაზე მძიმე დარტყმა ლიგის ბოლოებს მიაყენა — იმ გუნდებს, რომლებიც ფულს არასდროს იშურებდნენ შემადგენლობის გასაძლიერებლად. ისეთ გრანდებს, როგორებიც „ტორონტო“, „ფილადელფია“ და „კოლორადო“ იყვნენ, ძალიან გაუჭირდათ ახალ რეალობაში ცხოვრება. გასულ სამ სეზონში თითოეულმა მათგანმა მინიმუმ ერთხელ მაინც „მოასწრო“ პლეი ოფს გარეთ დარჩენა, რის გამოც სამივეს განახლება და გადახალისება დასჭირდა — „ტორონტოსა“ და „კოლორადოში“ კი დღესაც გვარიანი დომხალია და როდის მოახერხებენ ისინი საბოლოოდ წელში გამართვას, ძნელი სავარაუდოა.

წესით და რიგით, იგივე დღეში უნდა აღმოჩენილიყო „დეტროიტიც“, რომელსაც საგადასახადო ჭერის გამო ბიუჯეტის თითქმის განახევრება მოუწია — 80-85 მილიონიდან 42 მილიონამდე. ასეთ პირობებში გუნდს კარგი არაფერი ელოდებოდა, რადგან რამდენიმე ვარსკვლავის გაშვება მოუწია. ერთი

შეხვედით, საშველი არც გუნდის სისტემაში ჩანდა, რადგანაც „წითელფრთიანებს“ კარგა ხანია, არ ჰქონიათ დრაფტის საწყის რაუნდებში არჩევანის გაკეთების საშუალება, რის გამოც თითქოს არც ახალგაზრდა ტალანტები ჩანდნენ, რომლებსაც წასული ვარსკვლავების ადგილი უნდა დაეკავებინათ.

ყველაფერ ამის მიუხედავად, გუნდმა მაინც გამოიჩინა საჭირო რესურსები და არათუ გადაურჩა უფსკრულში გადაჩვენას, ნკლ-ის ელიტაში დარჩენა მოახერხა — ასე განსაჯეთ, ლოკალუტის შემდეგ ჩატარებულ სამ სეზონში ორჯერ მოიგო რეგულარული ჩემპიონატი (2005-06 და 2007-08 სეზონები), ერთხელ კი იმდენივე დააგროვა, რამდენიც „ბუფალო“ და მას რეგულარული ჩემპიონის ტიტული მხოლოდ ნაკლები მოგებული მატჩების რაოდენობის გამო დაუთმო.

ბალანსი სარდაფიდან
მიჩიგანელები ჩამირვას ძალიან ეფექტურად მოქმედებდა ადმინისტრაციამ გადაარჩინა, უფრო კონკრეტულად თუ ვიქნებით, კარგად გამართულმა სკაუტების სისტემამ. „დეტროიტი“ დღევანდელ ნკლ-ში ალბათ ერთადერთი გუნდია, რომელიც წლებია, ერთი სტილით თა-

მაშობს — ეს არის შაიბის მაქსიმალურად ხშირ კონტროლსა და სისწრაფეზე აგებული თამაში, რომელიც გუნდს 90-იანი წლების შუაგულში დიდმა სკოტი ბოუმენმა შესძინა და „წითელფრთიანებიც“ იმის შემდეგ არ დალატობენ ამ სტილს. ამას მხოლოდ ის პრობლემები ახლავს, რომ ამდგარი სათამაშო სქემის ხეირიანად მოქმედებისთვის შესაბამისი ნიჭისა და გაქანების ჰოკეისტები არიან საჭირო.

სწორედ აქ გამოჩნდა გუნდის სკაუტთა სამსახურის ეფექტური მუშაობის შედეგები. გადაჭარბება ნამდვილად არ იქნება იმის თქმა, რომ „დეტროიტი“ ნიჭიერ მოთამაშეთა აღმოჩენაში მთელ ნკლ-ში საუკეთესოა — უკვე წლების განმავლობაში მიჩიგანელები დრაფტის ქვედა რაუნდებში, ანუ როგორც ამას ჩრდილოეთ ამერიკაში ეძახიან, „სარდაფში“, როგორაც ახერხებს ტალანტების აღმოჩენასა და მათ ვარსკვლავებად ქცევას.

ამის დასამტკიცებლად გუნდის დღევანდელი შემადგენლობისთვის თვალის ერთი გადავლება იკმარებს, რადგანაც „წითელფრთიანები“ თითქმის სანახევროდ სწორედ ასეთი, „სარდაფში“ აღმოჩენილი მარგალიტებით არიან დაკომპლექტებული — ამ ჰოკეისტებში მხოლოდ „დეტროიტმა“ დაინახა ნიჭი და მათთან სწორი მუშაობით ისინი ლიგის ვარსკვლავებად აქცია.

სწორედ ამ კატეგორიაში ხედებიან ის ჰოკეისტები, რომლებიც ბოლო წლებში „დეტროიტის“ სახედ იქცნენ და გუნდის მიერ სტენლის თასის მოიგებაში ლომის წვლილი შეიტანეს. მაგალითისთვის ეს სამეულიც იკმარებს:

- 1) გუნდის ბოლო წლების საუკეთესო ბომბარდირი პაველ დაციუკი, რომელიც 1998 წლის დრაფტის მე-6 რაუნდში, საერთო 171-ე ნომრით აიყვანეს.
- 2) ახლახან დამთავრებული პლეი ოფის უძვირფასესი მოთამაშე ჰენრიკ ზეტერბერგი, რომელიც 1999 წლის დრაფტის მე-7 რაუნდში, საერთო 210 ნომრით აიყვანეს.
- 3) პლეი ოფის საუკეთესო სნაიპერი იუჰან ფრანცენი, რომელიც 2004 წლის დრაფტზე მე-3 რაუნდში, საერთო 97-ე ნომრით აიყვანეს. თანაც „დეტროიტმა“ ეს შვედი 24 წლის ასაკში დაისაკუთრა — ანუ მანამდე 6 (!!) დრაფტზე ყველასთვის შეუმჩნეველი დარჩა. მეტიც, ამ ბიჭის შესახებ თავად შეუდღეთშიც არაფერი იცოდნენ, რადგან ის ელიტარულ დივიზიონშიც

კი არ თამაშობდა.

მგონი, იკმარებს მხოლოდ დავამატებთ, რომ ამ ერთი კვირის წინ სტენლის თასის მომგები 21 ჰოკეისტიდან 12 „დეტროიტმა“ სწორედ ასეთ გვიან რაუნდებში აღმოაჩინა.

არქიტექტორები: ჰოლანდი და ბაბაოჩაი

ეს „დეტროიტი“ მთლიანად ორი კაცის — გენერალურ მენეჯერ კენ ჰოლანდისა და მწვრთნელ მაიკ ბეზკოკის დაუღალავი შრომის პროდუქტია, რომლებმაც სამი წლის განმავლობაში აკონსერვეს ეს გუნდი და საბოლოოდ საჩემპიონო მოზაიკაც შეაგროვეს.

ნიჭიერი ჰოკეისტების ყოლა კარგია, მაგრამ მხოლოდ ამით ნკლ-ში, მით უმეტეს დღეს, როცა დონე ძალიან გათანაბრდა, ფონს ვერ გახვალ და ვერ მოიგებ სტენლის თასს. ამიტომაც ჰოლანდმა სამი წლის წინ პირველი რაც გააკეთა, მწვრთნელად მაიკ ბეზკოკის მიწვევა იყო — ეს კაცი მიჩიგანში 2003 წლიდან ახსოვდათ, როცა მამინ ჯერაც მოქმედი ჩემპიონი „წითელფრთიანები“ ბეზკოკის „ანაჰაიმმა“ პლეი ოფის პირველ წრეში 4:0 გაასილაქა.

მაკარი დისციპლინის მოყვარე ბეზკოკი გუნდში მოსვლისთანავე შეეცადა ცვლილებების განხორციელებას — ტრადიციული სუპერ-შემტევი ჰოკეის პარალელურად დაცივითი ელემენტების დანერგვა ისურვა. თუმც ვერაინ იტყვის, მწვრთნელმა მალე უწია მიზანსო, რადგანაც თავის წამოწყებაში მნიშვნელოვან წინააღმდეგობას წააწყდა გუნდის ვეტერანთა მხრიდან, რომლებიც ბალანსილინი შეხვდნენ ახალი დამრიგებლის იდეებს.

2006 წელს რეგულარული სეზონის ფრენა-ფრენით მომგები „დეტროიტი“ პირველ წრეში „ედმონტონმა“ რომ დაიფრინა, ცხადი გახდა, ცვლილებები იყო საჭირო. პირველი ამას „წითელფრთიანთა“ ლეგენდარული კაპიტანი სტივ აიზერმანი მიხვდა, რომელმაც გაცლა ამჯობინა და ციგურები ლურსმანზე ჩამოკიდა. მალე გუნდი ბრენდან შენაჰანმაც დატოვა და ბეზკოკსაც ხელ-ფეხი გაეხსნა — აქცენტი მობილურ უკანა ხაზზე გააკეთა, რომლის მოვალეობაც საკუთარი კარის უსაფრთხოებასთან ერთად შეტევის სწრაფად დაწყებაც უნდა ყოფილიყო. ამ ტაქტიკის ქვაკუთხედად კი ბეზკოკმა ახალი კაპიტანი ნიკლას ლიდსტრომი აქცია. ამასთანავე არსად გამქრალა მიჩიგანელთა სავიზიტო ბარა-

თად ქცეული, შაიბის კონტროლზე დაფუძნებული ჰოკეი.

2007 წელს გუნდმა დასავლეთ კონფერენციის ფინალს უწია, სადაც ნაწილობრივ მსაჯთა საეჭვო გადაწყვეტილებების, ნაწილობრივ კი უიღბლობის გამო წაავო მომავალ ჩემპიონ „ანაჰაიმთან“. თუმც აქ მთავარი ის იყო, რომ გუნდი სწორ გზას ადგა.


შარშან ზაფხულში ბეზკოკმა თავისთვის არასასურველი ბოლო ჰოკეისტი მოიშორა რობერტ ლანგის სახით და ვიცეკაპიტნობა ჰენრიკ ზეტერბერგსა და პაველ დაციუკს ჩააბარა — ლიდსტრომთან ერთად მწვრთნელს სწორედ ეს დუეტი ესახებოდა ლიდერებად. მალე ჰოლანდმა კიდევ ერთი ჭკვიანური სვლა გააკეთა და ლიგის ერთ-ერთი საუკეთესო შემტევი მცველი ბრაიან რაფალსკი გადმოიბარა, რომელიც ბრწყინვალედ შეეწყო გუნდის სათამაშო სტილს.

მოკლედ, „დეტროიტი“ 2007-08 წლების სეზონს კარგად გაწყობილი და გამარჯვებაზე დაგვიძლი შეხვდა და ჩემპიონატიც გრიალით ჩაათამაშა — გუნდი პირველი ტურიდან ერთი თავით მაღლა იდგა მთელ დანარჩენ ლიგაზე. „წითელფრთიანებმა“ ჯერ ძალიან დამაჯერებლად მოიგეს რეგულარული სეზონი — ყველაზე მეტი გაიტანეს და ყველაზე ნაკლები გაუშვეს, საშუალოდ ყველაზე მეტჯერ ურტყამდნენ მეტოქის კარისკენ და საშუალოდ ყველაზე ნაკლებს არტყმევიზებდნენ საკუთარი კარისკენ. მოკლედ, თითქმის ყველა სტატისტიკური მონაცემით საუკეთესო იყვნენ.

წინა წლებისგან განსხვავებით, გუნდმა სათასო მატჩებიც ერთი ამოსუნთქვით გაიარა და 4 რაუნდში მთლიანობაში მხოლოდ 6 მატჩი წაავო — შედეგი კი ის გახლდათ, რომ ერთი კვირის წინ ლიდსტრომი პირველი ევროპული კაპიტანი შეიქნა, რომელმაც სტენლის თასი ზეადმართა.

რაც მთავარია, „დეტროიტი“ მხოლოდ ამ სეზონზე გათვლილი გუნდი არ არის და უახლოეს მომავალსაც იმედის თვალით შეჰყურებს — თითქმის ყველა ლიდერი ჯერაც ახალგაზრდაა და მათთან ხანგრძლივი კონტრაქტებია გაფორმებული. მეტიც, კარგი მდგომარეობაა ბიუჯეტის მხრივაც და მიჩიგანელებს საშუალება აქვთ, ამ ზაფხულს ერთ-ორი ვარსკვლავი დაიმატონ — ვერაფერი კარგი ამბავია დანარჩენი ნკლ-ისთვის.

ბასა ლომაფილი



სარბიელი & კროკო

ნარბიელი ბანო

1 X 2 1-X 1-2 X-2								1 X 2 1-X 1-2 X-2									
ფინეთი. ვაიკუსლივა								20:30	422	სიერა ლეონე-სამხ. აფრიკა	4.70	3.40	1.65	1.97	1.22	1.11	
12 ივნისი								21:00	423	გამბია-ალჟირი	2.95	3.20	2.15	1.53	1.24	1.28	
19:00	466	ლაპტი-ტურკუ	2.55	3.30	2.60	1.43	1.28	1.45	21:00	424	სუდანი-მადრი	4.00	3.30	1.75	1.80	1.21	1.14
აშშ. MLS								12:20	433	ტაილანდი-იაპონია	7.00	3.80	1.40	2.46	1.16	1.02	
13 ივნისი								16:00	435	ჩინეთი-ერაყი	2.00	3.20	3.20	1.23	1.23	1.60	
05:00	465	ჰიუსტონი-ნიუ ინგლენდი	2.20	3.20	3.05	1.30	1.27	1.56	20:00	438	ყატარი-ავსტრალია	3.80	3.20	1.80	1.73	1.22	1.15
ბრაზილია. ჩემპიონატი								21:00	440	სირია-ირანი	2.85	3.10	2.20	1.48	1.24	1.28	
13 ივნისი								21:45	441	კუვეიტი-სამიროები	2.30	3.10	2.70	1.32	1.24	1.44	
03:30	454	პალმეირეასი-კრუზეირო	2.15	3.20	2.90	1.28	1.23	1.52	23:00	442	ურუგვაი-ვენესუელა	1.45	3.60	6.50	1.03	1.18	2.31
03:30	455	ატლეტიკო მნ-იპატინგა	1.50	3.60	5.40	1.05	1.17	2.16	15 ივნისი								
03:30	456	ფლუმინენსე-სანტოსი	1.85	3.40	3.50	1.19	1.21	1.72	15:30	426	მადაგასკარი-მონაკო	2.25	3.20	2.80	1.32	1.24	1.49
14 ივნისი								17:00	428	ბურუნდი-ტუნისი	4.70	3.30	1.65	1.93	1.22	1.10	
23:00	457	ინტერნასიონალი-ბოტაფოგო	1.70	3.50	4.00	1.14	1.19	1.86	17:00	429	ლესოტო-ლიბია	4.60	3.30	1.65	1.92	1.21	1.10
23:00	458	ფიგეირენსე-სპორტ რისიფე	1.90	3.30	3.40	1.20	1.21	1.67	18:30	430	ეკვადორი-ნიგერია	5.50	3.50	1.50	2.13	1.17	1.04
23:00	459	პორტუგესა-ატლეტიკო პრ	2.30	3.20	2.70	1.33	1.24	1.46	20:00	431	ლიბერია-სენეგალი	6.20	3.50	1.45	2.23	1.17	1.02
23:00	460	ფლამენგო-სან პაულუ	2.00	3.20	3.30	1.23	1.24	1.62	05:00	443	პერუ-კოლუმბია	2.15	3.20	2.95	1.28	1.24	1.53
15 ივნისი								23:00	444	პარაგვაი-ბრაზილია	3.65	3.20	1.90	1.70	1.24	1.19	
01:10	461	კურიტიბა-ვიტორია	1.75	3.40	3.90	1.15	1.20	1.81	16 ივნისი								
01:10	462	ნაუტიკო-ვასკუ და გამა	2.10	3.20	3.00	1.26	1.23	1.54	01:10	445	არგენტინა-ეკვადორი	1.15	5.50	12.00	1.00	1.04	3.77
01:10	463	გოიასი-გრემიო	2.30	3.20	2.70	1.33	1.24	1.46	03:20	446	ბოლივია-ჩილე	2.40	3.10	2.60	1.35	1.24	1.41
FIFA. მს 2010 შესარჩევი მატჩები								UEFA. ევროპის ჩემპიონატი 2008									
13 ივნისი								12 ივნისი									
16:00	409	ჯიბუტი-დრ კონგო	7.50	4.00	1.35	2.60	1.14	1.00	20:00	11	ხორვატია-გერმანია	4.50	3.20	1.85	1.87	1.31	1.17
21:00	410	მავრიტანია-ეთიოპია	2.25	3.20	2.85	1.32	1.25	1.50	22:45	12	ავსტრია-პოლონეთი	3.10	3.20	2.30	1.57	1.32	1.33
14 ივნისი								13 ივნისი									
16:30	411	მალავი-ეგვიპტე	7.20	3.90	1.35	2.52	1.13	1.00	20:00	13	იტალია-რუმინეთი	1.75	3.30	5.00	1.14	1.29	1.98
16:30	412	სეიშელი-ბურკინა ფასო	6.60	3.70	1.45	2.37	1.18	1.04	22:45	14	პოლანდია-საფრანგეთი	2.60	3.10	2.65	1.41	1.31	1.42
17:00	415	კენია-ზიმბაბუე	2.45	3.20	2.55	1.38	1.24	1.41	14 ივნისი								
17:00	416	უგანდა-ანგოლა	3.45	3.20	1.95	1.66	1.24	1.21	20:00	15	შვედეთი-ესპანეთი	5.00	3.20	1.75	1.95	1.29	1.13
17:30	417	რუანდა-მაროკო	7.00	4.00	1.38	2.54	1.15	1.02	22:45	16	საბერძნეთი-რუსეთი	3.20	3.20	2.10	1.60	1.26	1.26
18:00	418	ნამიბია-გვინეა	2.85	3.20	2.20	1.50	1.24	1.30	რუსეთი. თასი								
18:30	419	გაბონი-განა	5.20	3.40	1.55	2.05	1.19	1.06	13 ივნისი								
19:00	420	ნიგერი-ბენინი	2.70	3.10	2.35	1.44	1.25	1.33	16:00	407	გაზოვიკი ორ-აღნასი	1.11	6.50	10.00	1.00	1.00	3.93
19:00	421	ჩადი-კონგო	3.20	3.20	2.05	1.60	1.24	1.24	16:00	408	ლადა ტ-ვოლგა 66	3.80	2.90	1.95	1.64	1.28	1.16

I ტაიმი სუდეები

	1	X	2	1-X	1-2	X-2
10011 ხორვატია-გერმანია	3.40	2.00	2.60	1.25	1.47	1.13
10012 ავსტრია-პოლონეთი	3.40	2.00	2.60	1.25	1.47	1.13
10013 იტალია-რუმინეთი	2.20	2.10	4.30	1.07	1.45	1.41
10014 პოლანდია-საფრანგეთი	3.30	2.00	2.65	1.24	1.46	1.13
10015 შვედეთი-ესპანეთი	4.90	2.10	2.10	1.47	1.47	1.04
10016 საბერძნეთი-რუსეთი	3.20	2.00	2.50	1.23	1.40	1.11

I ტაიმი/პირითაღი დრო

	1/1	1/X	1/2	X/1	X/X	X/2	2/1	2/X	2/2
11011 ხორვატია-გერმანია	4.40	10.00	20.00	5.00	4.40	4.60	20.00	10.00	3.50
11012 ავსტრია-პოლონეთი	4.40	10.00	20.00	5.00	4.40	4.60	20.00	10.00	3.50
11013 იტალია-რუმინეთი	2.70	10.00	20.00	3.60	4.40	7.00	20.00	10.00	6.00
11014 პოლანდია-საფრანგეთი	4.00	10.00	20.00	4.80	4.40	4.40	20.00	10.00	3.60
11015 შვედეთი-ესპანეთი	7.00	10.00	20.00	7.50	4.40	3.50	20.00	10.00	2.50
11016 საბერძნეთი-რუსეთი	3.60	10.00	20.00	4.60	4.40	4.80	20.00	10.00	4.00

შესაძლო ცვლილებები დააჯუსტეთ აღვნიშნა



რომელ ტაიმში იძენება მატჩი კუთხური(პირ. ღრ)			
	I-ში	თანაბრად	II-ში
40011 ხორვატია-გერმანია	2.10	4.00	1.80
40012 ავსტრია-პოლონეთი	2.10	4.00	1.80

806 მიიღებს პირველ მ ან ვ ბარათს (პირ. ღრ)			
	1	2	
33011 ხორვატია-გერმანია	1.60	2.10	
33012 ავსტრია-პოლონეთი	1.70	1.90	

პირველ ტაიმში გატანილი გოლების რაოდენობა			
	ნაყ.	მეტ.	
22011 ხორვატია-გერმანია	1,5	1.25	2.60
22012 ავსტრია-პოლონეთი	1,5	1.25	2.60

ყვითელი ბარათების რაოდენობა (პირ. ღრ)			
	ნაყ.	მეტ.	
34011 ხორვატია-გერმანია	4,5	1.50	2.20
34012 ავსტრია-პოლონეთი	4,5	1.55	2.20

პირველი გოლი 0-29/ 30-90 (პირ. ღრ)			
	1	2	
35011 ხორვატია-გერმანია	1.90	1.90	
35012 ავსტრია-პოლონეთი	1.90	1.90	

პირველი ტაიმი ფრეს ბარათზე			
	კი	არა	
23011 ხორვატია-გერმანია	2.15	1.13	
23012 ავსტრია-პოლონეთი	1.65	1.30	

რამდენი გოლი გავა მატჩში (პირითადი ღრ) (2,5-ზე ნაკლები - 2,5-ზე მეტი)			
	ნაყ.	მეტ.	
12011 ხორვატია-გერმანია	2,5	1.60	2.00
12012 ავსტრია-პოლონეთი	2,5	1.55	2.10
12013 იტალია-რუმინეთი	2,5	1.55	2.30
12014 ჰოლანდია-საფრანგეთი	2,5	1.55	

რომელ ტაიმში გავა მატჩი გოლი			
	I-ში	თანაბრად	II-ში
15011 ხორვატია-გერმანია	3.00	2.80	2.00
15012 ავსტრია-პოლონეთი	3.00	2.80	2.00
15013 იტალია-რუმინეთი	3.00	2.80	2.00
15014 ჰოლანდია-საფრანგეთი	3.00	2.80	2.00
15015 შვედეთი-ესპანეთი	3.00	2.80	2.00
15016 საბერძნეთი-რუსეთი	3.00	2.80	2.00

306 დარეგულირება თამაშს			
	1	2	
31011 ხორვატია-გერმანია	1.90	1.90	
31012 ავსტრია-პოლონეთი	1.90	1.90	

კუთხურების რაოდენობა (პირ. ღრ)			
	ნაყ.	მეტ.	
20011 ხორვატია-გერმანია	10,5	1.70	1.90
20012 ავსტრია-პოლონეთი	10,5	1.70	1.90

თამაშობარე მდგომარეობა (პირ. ღრ)			
	ნაყ.	მეტ.	
36011 ხორვატია-გერმანია	5,5	1.90	1.60
36012 ავსტრია-პოლონეთი	5,5	1.90	1.60

იძენება თუ არა მატჩში პენალტი (პირ. ღრ)			
	კი	არა	
21011 ხორვატია-გერმანია	3.00	1.20	
21012 ავსტრია-პოლონეთი	3.00	1.20	

პირველ ტაიმში კუთხურების რაოდენობა			
	ნაყ.	მეტ.	
24011 ხორვატია-გერმანია	5,5	1.70	1.80
24012 ავსტრია-პოლონეთი	4,5	1.90	1.70

306 მოაწვდის პირველ კუთხურს (პირ. ღრ)			
	1	2	
32011 ხორვატია-გერმანია	2.10	1.55	
32012 ავსტრია-პოლონეთი	1.90	1.70	

გოლი გავა კომპენსირებულ დროში			
	კი	არა	
39011 ხორვატია-გერმანია	კი		3.10
39012 ავსტრია-პოლონეთი	კი		3.10

გაიტანს თუ არა შემცვლად შემოსული გოლს(პირ ღრ)			
	კი	არა	
49011 ხორვატია-გერმანია	კი		3.70
49012 ავსტრია-პოლონეთი	კი		3.70

პირველ ტაიმში იძენება შეცვლა			
	კი	არა	
43011 ხორვატია-გერმანია	კი		3.50
43012 ავსტრია-პოლონეთი	კი		3.50

მეპარე შეიცვლება (პირ. ღრ)			
	კი	არა	
45011 ხორვატია-გერმანია	კი		6.00
45012 ავსტრია-პოლონეთი	კი		6.00

იძენება გაკეცვა(პირ. ღრ)			
	კი	არა	
37011 ხორვატია-გერმანია	კი		3.30
37012 ავსტრია-პოლონეთი	კი		3.30

II ტაიმის შედეგი						
	1	X	2	1-X	1-2	X-2
19011 ხორვატია-გერმანია	4.10	2.30	2.10	1.47	1.38	1.09
19012 ავსტრია-პოლონეთი	3.00	2.30	2.60	1.30	1.39	1.22

გაიტანს თუ არა ორივე გუნდი მატჩში გოლს. (პირითადი ღრ)			
	ნაყ.	მეტ.	
13011 ხორვატია-გერმანია	1.70	1.90	
13012 ავსტრია-პოლონეთი	1.70	1.90	
13013 იტალია-რუმინეთი	1.90	1.70	
13014 ჰოლანდია-საფრანგეთი	1.70	1.90	
13015 შვედეთი-ესპანეთი	1.90	1.70	
13016 საბერძნეთი-რუსეთი	1.70	1.90	

გოლი:წყვილი-10უ კენტი-2 (0:0 ითვლება წყვილად)			
	1	2	
17011 ხორვატია-გერმანია	1.85	1.95	
17012 ავსტრია-პოლონეთი	1.85	1.95	
17013 იტალია-რუმინეთი	1.85	1.95	
17014 ჰოლანდია-საფრანგეთი	1.85	1.95	
17015 შვედეთი-ესპანეთი	1.85	1.95	
17016 საბერძნეთი-რუსეთი	1.85	1.95	

ფრეს ბარათზე (პირითადი ღრ)			
	1	2	
16011 ხორვატია-გერმანია	2.10	1.60	
16012 ავსტრია-პოლონეთი	2.10	1.60	
16013 იტალია-რუმინეთი	1.30	3.00	
16014 ჰოლანდია-საფრანგეთი	2.05	1.65	
16015 შვედეთი-ესპანეთი	3.00	1.30	
16016 საბერძნეთი-რუსეთი	1.70	1.95	

რომელი გუნდი გასწავის მატჩში ანგარიშს (მატჩის 0-0 დამთავრების შემთხვევაში, ორივე გუნდი წაგებულია ჩაითვლება)			
	1	2	
14011 ხორვატია-გერმანია	2.00	1.80	
14012 ავსტრია-პოლონეთი	2.00	1.80	
14013 იტალია-რუმინეთი	1.65	2.30	
14014 ჰოლანდია-საფრანგეთი	1.95	1.85	
14015 შვედეთი-ესპანეთი	2.30	1.65	
14016 საბერძნეთი-რუსეთი	1.85	1.95	

ჯგუფი ანგარიში

47011 ხორვატია-გერმანია	1:0	8.00	47012 ავსტრია-პოლონეთი	0:2	10.00
47011 ხორვატია-გერმანია	2:3	20.00	47012 ავსტრია-პოლონეთი	1:0	7.00
47011 ხორვატია-გერმანია	3:0	20.00	47012 ავსტრია-პოლონეთი	3:0	30.00
47011 ხორვატია-გერმანია	0:1	5.00	47012 ავსტრია-პოლონეთი	2:1	10.00
47011 ხორვატია-გერმანია	3:1	30.00	47012 ავსტრია-პოლონეთი	3:1	20.00
47011 ხორვატია-გერმანია	3:0	30.00	47012 ავსტრია-პოლონეთი	3:2	25.00
47011 ხორვატია-გერმანია	1:1	6.00	47012 ავსტრია-პოლონეთი	0:0	7.50
47011 ხორვატია-გერმანია	2:0	12.00	47012 ავსტრია-პოლონეთი	1:1	6.00
47011 ხორვატია-გერმანია	2:2	12.00	47012 ავსტრია-პოლონეთი	0:1	6.50
47011 ხორვატია-გერმანია	1:3	12.00	47012 ავსტრია-პოლონეთი	1:2	8.50
47011 ხორვატია-გერმანია	0:2	7.00	47012 ავსტრია-პოლონეთი	0:3	20.00
47011 ხორვატია-გერმანია	1:2	7.00	47012 ავსტრია-პოლონეთი	1:3	15.00
47011 ხორვატია-გერმანია	0:3	10.00	47012 ავსტრია-პოლონეთი	2:0	10.00
47011 ხორვატია-გერმანია	0:0	7.50	47012 ავსტრია-პოლონეთი	2:3	25.00
47011 ხორვატია-გერმანია	2:1	12.00	47012 ავსტრია-პოლონეთი	2:2	12.00

რამდენი პასპორტი გაქვს, ლუკაშ...




თუ იცით, რამდენი პასპორტი აქვს ლუკაშ პოდოლსკის? აღმოჩნდა, რომ გერმანიის ნაკრების ფორვარდს ვიბეში პოლონეთისა და გერმანიის პასპორტები უდევს. პოდოლსკის ორმაგი მოქალაქეობა გერმანია-პოლონეთის მატჩის შემდეგ გახდა სალაპარაკო. გეხსოვებათ, იმ მატჩში პოდოლსკიმ ორი გოლი გაუტანა პოლონელებს, თუმცა გოლის-

შემდგომი ხტუნვა და სიხარული მაინცდამაინც არ გამოუხატავს. პოდოლსკი მამით პოლონელი და დედით გერმანელია. პოლონეთში დაიბადა და გაიზარდა, გერმანიაში კი ოჯახით 14 წლისა გადასახლდა. ახლა კი მისი დუბლი და პოლონური პასპორტი ისტორიულ სამშობლოში პოლიტიკოსების სალაპარაკო გახდა.

პოლონეთის განათლების ყოფილი მინისტრი, ახლა კი ნაციონალურ-კათოლიკური პარტიის თავმჯდომარე მიროსლავ ორცეხოვსკი ითხოვს, ლუკაშ პოდოლსკის პოლონური პასპორტი ჩამოართვან. „მე უკვე მიემართე თხოვნით ქვეყნის პრეზიდენტ ლეხ კაჩინსკი, რომ დაუყოვნებლივ დაიწყოს პროცედურა ლუკაშ პოდოლსკისთვის პოლონური პასპორტის ჩამოთმევაზე. ეს არ არის შურისძიება, მე კანონს ვიცავ. კანონით კი, ჩვენთან ორმაგი მოქალაქეობა იკრძალება. თანაც გერმანიის ნაკრებში მოთამაშე პოლონელები, მშობლიურ ენაზე ინტერვიუსაც კი ვერ იძლევიან. მათ, უბრალოდ, არ იციან პოლონური“ — განაცხადა ორცეხოვსკიმ.

ისე, ორცეხოვსკის რაღა ახლა გაახსენდა პოდოლსკის პასპორტი? თუ აქამდე ჰქონდა, პოლონეთის კარში გატანილი დუბლის შემდეგ გახდა უკანონო? თავად ლუკაშ პოდოლსკი კი პასპორტზე არაფერს ამბობს, ყურნაღობს მხოლოდ ეს უთხრა: „ჩემთვის ძალიან მნიშვნელოვანია, რომ პოლონეთში დავიბადე. ამ ქვეყანაში ბევრი ნათესავი მყავს და მათ დიდ პატივს ვცემ. როდესაც პოლონეთის ნაკრებს გოლები გაუტანე, შერეული გრძობა მქონდა. თან მიხაროდა, თან არა“.

ბაჩო სვანიძე



ხაბი ალონსო იუვენტუსი გადადო

ტურიზის „იუვენტუსს“ ხაბი ალონსოსთან მოლაპარაკება ევროპის ჩემპიონატის დასრულებამდე არ გამოუვა. ინგლისური „ლივერპულის“ 26 წლის ნახევარმცველმა გადაწყვიტა, ევრო 2008-ზე ესპანეთის ნაკრების გამოსვლის დასრულებამდე, ტრანსფერზე არ ისაუბროს. თუმცა ისიც აღნიშნა, „ბებერ ქალბატონში“ გადასვლა მინდაო.

„ვიცი, რომ „იუვენტუსი“ დაინტერესებულია და მეც მინდა ტურინში გადაბარება. თუმცა ახლა ამაზე ლაპარაკი არ მსურს, რადგან საფიქრალი ისედაც ბევრია, მთელი ყურადღება ევროპის ჩემპიონატზე მაქვს გადატანილი და მის დასრულებამდე ტრანსფერზე საუბრის დრო არ იქნება“ — თქვა ალონსომ.

ამბობენ, „იუვენტუსი“ აპირებს, ალონსოს დამატებითი სივრცე შეუქმნას რაფაელ პალადინოს გასხვისებით. თურმე, ტურინელები ახალგაზრდა შემტევი ნახევარმცველის მშობლიური ქალაქის გუნდში, „ნაპოლიში“ გაშვებას გეგმავენ.

პარალელურად, „იუვემ“ დაბრუნა ნორჩი მცველი პაოლო დე ჩელიე, ვინც წინა სეზონში „სიენას“ რიგებში გამოდიოდა. მისი ბოლომდე გამოსყიდვა ტურინელებს დაახლოებით 4 მილიონი ევრო დაუჯდათ. ეს ორი კლუბი იმაზეც შეთანხმდა, რომ ამერიიდან ანდრეა როსი მხოლოდ „სიენას“ საკუთრება იქნება. ტოსკანელებმა ამისთვის „ბებერ ქალბატონს“ 1 მილიონი ევრო გადაუხადეს.

გიორგი კაბახაძე

ფრანკო და ესპანელი დამპყრობლები

ფოტოები, რომლებიც ჩვენს წერტილს ახლავს, ახალი არ არის, მაგრამ თემა მეტისმეტად ცხელი და ამიტომაც ამოტივტივდა — ხსენებული სურათები რომშია გადაღებული, ხოლო მათი მთავარი გმირები კრიშტიანუ რონალდუ და მადრიდის „რეალის“ ფიზიკური მომზადების მწვრთნელი ვალტერ დი სალვო გახლავან.

ცნობისთვის: ბატონი დი სალვო, ადრე თავად მუშაობდა „მანჩესტერ იუნაიტედში“ საიდანაც მადრიდში გადაბარადა.

არადა, რა საინტერესოა, „რეალის“ პრეზიდენტი რამონ კალდერონი სულ რაღაც გუშინწინ ბრძანებდა, თუნდაც ერთი საბუთი მოიტანეთ, მე ან ჩემი კლუბის თანამშრომლები რონალდუს გადაბირებას რომ ვცდილობთო. აი, ბატონო, საბუთი... თუმცა, მეორე მხრივ, ფოტოთი ხომ ვერაფერს დაამტკი-

ცებ — შეხვდნენ ნაცნობები ერთმანეთს და იცინიან.

„სარბიელის“ მკითხველთათვის კარგად არის ცნობილი რონალდუს გამო „მანჩესტერ იუნაიტედსა“ და „რეალს“ შორის ატეხილი შუღლის ამბავი, რომელმაც ბოლო დღეებში კიდევ უფრო მწვავე ხასიათი მიიღო. საქმე ის არის, რომ აქამდე აღშფოთებული სიტყვებით მხოლოდ „იუნაიტედის“ თავკაცი ალექს ფერგიუსონი გამოდიოდა, ახლა კი „რეალის“ პრეზიდენტაც ამოიღო ხმა. სენიორ კალდერონმა ფერგიუსონის ის განცხადება ვეღარ აიტანა, სადაც ინგლისის ჩემპიონის სქოთმა მწვრთნელმა „რეალს“ ესპანეთის ყოფილი დიქტატორის ფრანკოს სახელი წამოაძახა, ხოლო მისმა ასისტენტმა, პორტუგალიელმა კარლუშ კეირუშმა, რომელიც ერთი ხანობა, თუ გახსოვთ, თავად წვრთნიდა მადრიდის „რე-

ალს“, თქვა, ჩვენ, პორტუგალიელებმა ესპანელი დამპყრობლები ქვეყნიდან გავყარეთო.

„ფრანკოსა და პორტუგალიის ოკუპაციაზე ლაპარაკი ცოტა გროტესკულ იერს იღებს — ბრძანა „სამეფო გუნდის“ პირველმა პირმა — ასეთი რაღაცეების თქმა ყველაზე ჭკვიანური მოფიქრება ნამდვილად არ იყო. რასაკვირველია, ჩივილის უფლება „იუნაიტედს“ აქვს, მაგრამ „რეალს“ კანონსაწინააღმდეგო არაფერი გაუკეთებია და არც აპირებს. ჩვენ სხვის ცხოვრებაში უხეშად არ ჩავერევიართ და არც ჩავერევით. ეს ასეა და საწინააღმდეგოს მანჩესტერელები ვერასოდეს დაამტკიცებენ, რადგან ის, რაზეც ისინი ლაპარაკობენ, არასდროს მომხდარა. თავიანთი ურთიერთობა ფეხბურთელმა და მისმა კლუბმა თავად უნდა გაარკვიონ“.

საინტერესოა, „რეალის“ გერმანელი თავკაცის, ბერნდ შუსტერის განცხადებაც:

„კრიშტიანუს ისტორია არ მალელებს და არ მტანჯავს. ჩვენ დაცდა გემართებს, თუმცა, რასაკვირველია, რონალდუს ყიდვა დიდებული იქნებოდა. ის ბრწყინვალედ შეეწყობოდა ჩვენს გუნდს“.


შუსტერის ნათქვამში თითქოს საშინელი მართლაც არაფერია, მაგრამ მთელი ამ არეულობის თავი და თავი ხომ სწორედ „რეალის“ წარმომადგენელთა ამ ტიპის განცხადებები გახლავთ. როგორც ჩანს, ფსიქოლოგიური შეტევა მანჩესტერზე მათი გეგმის ნაწილია და ისინი მანსს არ უშვებენ, თუნდაც ერთხელ რომ არ თქვან რონალდუს „რეალში“ შესაძლო ტრანსფერის ამბავი.

„შეხედეთ, ამ საქმეში როგორ ხერხებს იყენებს „რეალი“ — ცხა-

რობდა რამდენიმე კვირის წინ ფერგიუსონი — მე წავიკითხე კალდერონის გამონათქვამები, შუსტერის გამონათქვამები და ამ ყველაფერში მათ ხელს ესპანური გახეთი „მარკა“ უწყობთ. არადა, ფაქტები მარტივია: რონალდუ „მანჩესტერ იუნაიტედის“ ფეხბურთელია და ჩვენს კლუბთან ოთხწლიანი კონტრაქტი აქვს გაფორმებული. ამაში საშინაო კალდერონმა ასეთი რამეც კი თქვა: მონათმფლობელობა დიდი ხნის გადავარდნილიაო. ვის უთხრა ეს ამბავი, ფრანკოს? დამანებეთ, რა თავი“.

ჩვენი მხრივ კი იმას დაუძენთ, რომ როგორც რამდენიმე დღის წინ გახდა ცნობილი, ფერგიუსონი საქმეში გასარკვევად კრიშტიანუ რონალდუსთან დალაპარაკებას ცდილობდა, ის კი ტელეფონს არ იღებს“.

ბაჟუნა კედი



ტოტალური

1X2 ანგონები

სათამაშო სახლში ყურმოკრული სამშაბათობით და შაბათობით

კოდი წყვილი შედეგი კოფ-ტი სისტ

- სიზმარში საყურე ვნახე და რა პონტია, ტო?
- რა ფერი იყო?
- შახმატის დაფის ფერი.
- მრგვალი საყურე თუ კვადრატული?
- კვადრატული და ზედ ერთიანები ეწერა.
- აუ, შენ აზრზე არა ხარ, რა პადაჩა გააკეთე, ძმაო. შენა ხარ ჯიგარი ჰანდიკაპით, შენა ხარ კაცურანისზე უფრო კაცური კაცურანისი.
- რა იყო, ტო, რა ბეჭემის პასივით დაბზრიალდი. რა გაბტუნავენს, დაეგდე, გამოკუშებულ ი არავის ეგონო და საკუშეთში არ გაგაქანონ. ცვეტში ეგეთი სიზმარი ვნახე.
- იმენა?
- უეჭველი ეგ იყო და დიდიდან ორი ტაიმი მაგაზე ვფიქრობდი. დაჟე დაპაღნიტელნი დროში გადავდი.
- ნაცნობ მკითხავს დაეუზუნოკე და იცი რა მითხრა, ძმაო?
- რაო, ყურები გამოიწმინდე და შახმატის წრეზე შედიო?
- კაი, რა, არ გინდა ეგეთი ბაზარი. სერიოზული მკითხავია, ლიცენზირებულია, და უეჭველებს ამბობს. დაჟე იცი, ამასწინათ რა გამოიცნო?
- თქვი, აბა, რა გამოიცნო?
- ჰილარი კლინტონი ბარაკ ობამას რო დაუწვებოდა, ნუ კაროჩე, რა, კანდიდატურას რო მოხსნიდა ობამას სასარგებლოდ.
- მერე რა, ტო, ეგ პოლიტიკაა, ფუტბოლი კიდე სხვა პონტია.
- აბა შენა ხარ, რა! ხო გითხარი, ლიცენზირებული მკითხავია-მეთქი, ძმაო, თავის საქმეში მარადონა.
- „ნაპოლიში“ თამაშობდა?
- მიდი, რა...
- თუ ეგრეა, მაშინ მეც გამოიხსნე ტო, რა გითხრა მარადონამ.
- კაროჩე, არ გააბაზრო, მარტო შენ გეუბნები, იმიტო, რომ ჩემი სიზმრის წილში ხარ.
- პა, ამოღერდე, ნუ წელავ შევჩენკოს ტრანსფერივით.
- კაროჩე, მკითხავმა თქვა, საყურე ნიშნავს ხორვატიის ტრენერს სლავენ ბილიჩს.
- ბილიჩი? მე მარტო ილიჩი გამოვიცა, ვლადიმერი, ტო.
- შენ რა, ფუტბოლებს რო უყურებ, ტრენერებს არ აკვირდები? ბილიჩს მარცხენა ყურზე საყურე უკეთია და სიზმარში რო ვნახე, ეგაა.
- კვადრატული რო იყო, ეგ ნიშნავს ხორვატიის სბორნის ფორმას და ერთიანები კიდე ხორვატების მოგებას გერმანიასთან. კაროჩე, ძმაო, დღეს მაგარი ხორვატია ვარ. უეჭველი იგებს, თან დიდი ანგარიშით.
- შენ და შენი მკითხავი კარგად იყავით, მე მაინც ჩემსას დაეწერ, ტო.
- რას წერ?
- ავსტრია-პოლონეთს.
- ავსტრიაზე დგები?
- არა, ტო, რა ავსტრიაზე, სერიოზული ბილეთია.
- აბა მანახე...
- აი, ნახე: ავსტრია-პოლონეთზე იქნება 52 000 და მეტი მაყურებელი.
- მაგას რამდენი კუში უწერია?
- 26 000

კუში კოფიარია


ჩემი ბილეთი:

001 ხორვატია — გერმანია

შედეგი: სლავენ ბილიჩი საყურეს დაკარგავს
სავარაუდო მოგება: ყურების უფასოდ გახვრეტა
მომდევნო ამფსონებში შეიტყობთ, თუ რომელი არაყი მოატანინა გუს ჰილიჩმა იგორ აკინფეევს
მალაზიიდან ესპანეთთან წაგების შემდეგ.

114140 *

euro_fan_2008@yahoo.com



მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

BORBOLIA777: მივესალმები „სარბიელს“ თქვენი მუდმივი მკითხველი ვარ. სხვა ყველაფერთან ერთად, „სარბიელში“ სტატიების ორიგინალური სათაური მომწონს. ერთი თხოვნა მაქვს: კარგი იქნებოდა თქვენი რეპორტაჟები ავსტრიიდან და შვეიცარიიდან...

ამ ჩემპიონატზე კი ხორვატიას ვგულშემატკივრობ. არაერთხელ ითქვა, რომ ჩვენ, ქართველებმა, მაგალითი სწორედ ხორვატებისგან უნდა ავიღოთ...

მგონია, რომ იტალია ჯგუფიდან მაინც გავა. ესპანელები კი ჯიგრები არიან...

მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ... შემდეგ კი თქვენს წერილებს „სარბიელში“ სხვებიც წაიკითხავენ

euro_fan_2008@yahoo.com

ლუის არაგონესი: ჩვენი უიუი ჰქონდათ

ესპანეთის ნაკრების მწვრთნელს ალბათ ყველაზე მწარე კრიტიკის გადატანა მოუხდა, როცა ბოლო ათწლეულს ესპანური ფეხბურთის სიმბოლო რაული ნაკრებს მიღმა დატოვა და მისი შვიდნომრიანი მაისურა დავიდ ვილიას ჩააცვა. არაგონესმა მართლაც რომ ათიანში გაარტყა — ვილიამ, რასაც ჰქვია, დაატერორა რუსეთი და ჰეთ თრიქი შეუსრულა. ლუის არაგონესთან ეს ინტერვიუ კი ესპანეთი — რუსეთის მატჩის შემდეგ გამოქვეყნდა და ჩვენც გადმოვქართულეთ



— მატჩი ახალი დასრულებულია და ცხელ გულზე საინტერესო იქნება თქვენი დასკვნები.

— ჩვენ შესანიშნავად დავიწყეთ. გოლი დებიუტშივე გავიტანეთ, მაგრამ მომდევნო თხუთმეტი წუთი აშკარად ჩავაგდეთ. გავიძარტოლა, რომ ამ მონაკვეთში გოლი არ გავუშვით. მეორე გოლმა სულზე მოგვისწრო, დავეშვიდით და კონტრ-შეტევებით ვთამაშობდით. გარედან შეიძლება ისე ჩანდა, რომ ოთხივე გოლი იოლად გავიტანეთ და ცალი ფენით მოვიგეთ, მაგრამ მერწმუნეთ, ასე არ იყო. ყოველ შემთხვევაში, სადებიუტო მატჩში ასეთი გამარჯვება შესანიშნავი დასაწყისია.

— ვილიას ჰეთ თრიქი რას ნიშნავს ესპანეთისთვის?

— სიმართლე გითხრათ, ვერც კი წარმოვიდგენდი, რომ რუსეთს ოთხ გოლს გავუტანდით. მით უმეტეს, მოულოდნელი იყო ვილიას ჰეთ თრიქი. დავიბნევი გამოძარტოლა და გულით ვულოცავ ბრწყინვალე თამაშს. აქვე ერთსაც განვმარტავ, რომ მერე საკამათო არ იყოს. ესპანეთის ნაკრებს ჰყავს სამი გამტანი მოიერიშე. რუსეთთან ვილიამ გაისროლა, მომდევნო მატჩში ტორესი აიწვევტს...

— ტორესი რატომ შეცვალეთ?

— ტორესი ჩვენი საკვანძო მოთ-

ამა და შესანიშნავი შემსრულებელია, მაგრამ არ დავაიწყებთ, რომ ძალიან დამლული სეზონი ჰქონდა და ბოლომდე ვერ აღიდგინა ფორმა. მეორე ტაიმში რუსები გააქტიურდნენ, მოედნის ცენტრში უპირატესობა მოიპოვეს. ბურთი რომ შევეწვარჩუნებინა და მეტოქის აქტიურობა შეგვესუსტებინა, მოედნის ცენტრში კიდევ ერთი ნახევარმკველი გვეჭირდებოდა. გადავწყვიტე, ტორესი შემეცვალა, რადგან ის ვერ შეძლებდა რუსების დევნას. რაც შეეხება ფერნანდოს თამაშს, მისით ბოლომდე კმაყოფილი დავრჩი. მან ვილიას ასისტენტობა გაუწია და მეტოქის მცველები მუდმივ პრესში ჰყავდა.

— თქვენ ხშირად იმეორებდით, რომ ესპანეთმა ბრძოლა უნდა ისწავლოს ამ მხრივ არის პროგრესი?

— დიახ, ბიჭებმა მაქსიმალურად შეძლეს, მეტოქის ფეხბურთელებს „ფეხზე დაგდომოდნენ“ და გასაქანი არ მისცეს. მოედნის ყოველ მონაკვეთზე ნამდვილი ბრძოლა იყო.

— ეს გამარჯვება ალბათ ათმაგად ფასობს...

— რა თქმა უნდა, გარდა იმისა, რომ სამი ქულა მოვიპოვეთ, ყველას დავანახეთ, რომ ესპანეთი არ ხუჭრობს. მეტოქეებს ჩვენი შიში ექნებათ, რაც მათ ფსიქოლოგიურად გატეხთ.



რუს ფეხბურთელებს ავსტრიაში ცოლებმა ჩააკითხეს და პაპარაცთა ამ ფოტოს მიხედვით თუ ვიმსჯელებთ, მეუღლეებთან კარგადაც მოუღზინეს.

მაგრამ ეს ამბავი ჩვენს გარდა რუსთა ნაკრების მწვრთნელ გუს ჰილიჩსაც შეუტყვია და შეგირდებისთვის შავი დღე უყრია, ცოლებს მოგცემთ, მე თქვენო...

რუხი ოფსაიდში არ იყო! ფეხბურთელი თამაზია, სანამ მას მოეძინა ბასვლის უფლებას მსაჯი არ მისცემს

ახლა კი დაუბრუნდეთ „სანს“, რომელიც თავის წერილს ასე იწყებს: იმ მომენტში მთელმა იტალიამ თავი გააძვრულად იგრძნო, მილიონობით სხვა გულშემატკივარმა კი ხელები გაასავსა. დიას, სწორედ იმ გოლზე მოგახსენებთ, რომელიც პოლანდიელმა თავდამსხმელმა რუხ ვან ნისტელროიმ 26-ე წუთზე ერთი შეხედვით ორმეტრიანი ოფსაიდიდან გაიტანა. როგორც მოგვიანებით გაირკვა, ვან ნისტელროი სულაც არ ყოფილა ოფსაიდში, რადგან მის წინ მატრო მეკარე ჯანლუიჯი ბუფონი კი არა, მკველი კრისტიან პანუჩი იმყოფებოდა, რომელიც მართალია, ხსენებულ ბუფონთან შეჯახების გამო მოედნის ხაზს გადალმა იყო გადავარდნილი, მაგრამ ამას მნიშვნელობა არ ჰქონია.

ისედაც საკამათო მომენტის ასეთი განმარტება მაინც დამაბნეველია, რადგან ბუნდოვანია, როგორ უნდა მიეღო ხსენებულ ეპიზოდში რაიმენაირი მონაწილეობა მოედნის ხაზს იქით, სარეკლამო დაფასთან გადავარდნილ პანუჩის. როგორ უნდა ემოქმედა მოვლენებზე კარგად ან ცუდად. როგორ უნდა შეეშალა ვან ნისტელროისთვის ხელი...

ფეხბურთის შეფხვმა მშრალად განმარტეს, რომ ფეხბურთის მე-11 წესის მიხედვით, ვან ნისტელროი „თამაშს გარეთ“ არ იმყოფებოდა

ინგლისური გაზეთი „სანი“ ევროპის მიმდინარე ჩემპიონატის ერთ-ერთ ყველაზე საინტერესო მომენტს უბრუნდება და კომენტარს დევიდ ტელიორს სთხოვს. საუბარი იტალიელთა და პოლანდიელთა შეხვედრის პირველ გოლს ეხება — რუხ ვან ნისტელროიმ რომ შეაგდო „სკუადრა აძურას“ კარში.

ვფიქრობთ, მთელი მსოფლიოს გულშემატკივრისთვის და „სარბიელის“ მკითხველისთვის, გასაგებია, რაზეცაა ლაპარაკი და ამიტომ ორი სიტყვით დევიდ ტელიორის ვინაობას შეგახსენებთ. ეს შოტლანდიელი კაცი უფროსად გენერალური მდივანი გახლავთ. უფრო ადრე ის შოტლანდიის ფეხბურთის ასოციაციის აღმასრულებელი შეფი იყო.



ანუ „იყო თამაშში“ და შესაბამისად, მისი გოლი (მოუხედავად იმისა, რომ მას და ბუფონს შორის სხვა იტალიელი არ იყო ანუ სა-

ქმე ტიპური ოფსაიდის შემთხვევასთან არ გვაქვს) სამართლიანად ჩაითვალია. ერთი სიტყვით, ოფსაიდის წესს

აქვს ერთი უცნაური ქვეპუნქტი, რომელიც თავის დროზე ფიფამ იმით შემოიღო, რომ დამცველი გუნდის ფეხბურთელებმა მოედანს მი-

ღმა გადასვლით, გადახტომით თუ გადასრიალებით, თავდამსხმელები ოფსაიდში განზრახ არ დატოვონ.

აი, აქ მოვიყვანოთ უფროსად გენერალური მდივანის კომენტარი:

„გოლი აბსოლუტურად სამართლიანად ჩაითვალია. ეს, საფეხბურთო საზოგადოების მეტმა ნაწილმა თავიდანვე ვერ აღიქვა და ეს გასაგებია, რადგან სიტუაცია იშვიათი და უჩვეულოა. ვან ნისტელროი თამაშგარეში არ იყო, რადგან იტალიელთა მეკარის, ჯანლუიჯი ბუფონის გარდა თავდამსხმელის წინ მკველი კრისტიან პანუჩიც იმყოფებოდა.“

მაგრამ, შექსპირისა არ იყო, ყოფნა არყოფნა, საკითხავი აი, რა არის.

ტელიორი განაგრძობს: „მართალია, პანუჩი მოედანზე არ იყო, მისი პოზიცია ოფსაიდის წესის მიხედვით მაინც გასათვალისწინებელი გახლდათ. ასეთ შემთხვევებში ფეხბურთელი მაინც თამაშის მონაწილედ ითვლება.“

ოფსაიდის წესს ასეთი ინტერპრეტაცია რომ არ ჰქონდეს, წარმოიდგინეთ რა მოხდებოდა: დამცველი გუნდი ხაზს იქით გადახტებოდა და თავდამსხმელს თამაშგარეთ დატოვებდა, ეს კი მიუღებელია.

მკველი თამაშშია, სანამ მას მოედნიდან გასვლის ნებას მსაჯი არ მიცემს!“

ბაბუნა კვიციანი

ესპანელთა საფიქრალი დასვაა რუსეთი ბოლომდე იბრძოლებს

თუ შედეგით ვიმსჯელებთ, ესპანეთის ნაკრებმა ევრო 2008 შთაბეჭდილად დაიწყო. პირენელებმა რუსეთი 4:1 გაანადგურეს, თუმცა მათი თამაში, უფრო სწორად კი, დაცვის მოქმედება საკმაოდ არა-დამაჯერებელი გახლდათ. მიუხედავად ამისა, ესპანელები კმაყოფილნი არიან და ოპტიმისტური განწყობა აქვთ.

ახალგაზრდა ნახევარმცველი დავიდ სილვა:

„ჩვენსას მივალწიეთ და ტურნირი მოგებით დავიწყეთ. თუმცა ამას გადამეტებული მნიშვნელობა არ უნდა მივანიჭოთ, რადგან წინ კიდევ ორი მატჩი გველის. ციდან მიწაზე უნდა დავეშვათ და ასეთივე შემართებით გავაგრძელოთ თამაში.“

რუსეთის კარში მეოთხე გოლის ავტორი ფრანსესკ ფაბრეგასი:

„ძალიან მინდა, ვილიასთან ერთად „არსენალში“ ვთამაშობდე. დავიდი ინგლისის ჩემპიონატს კარგად შეეწყობოდა. ის სწრაფია და გოლების გატანა მშვენივრად ეხერხება.“

„როგორც ხედავთ, ძალიან ბედნიერი ვარ. ჩინებულად ვითამაშეთ, მე კი სამი გოლი გავიტანე, მეტსაც გავიტანდი, რამდენიმე ეპიზოდში ცოტა უფრო ზუსტად რომ მეთამაშა. ასეთი დამაჯერებელი ანგარიში

სიმშვიდის საფუძველს გვაძლევს. ახლა მომავალი მატჩებისთვის უნდა მოვემზადოთ. თუ ასე გავაგრძელებთ, ვფიქრობ, მეოთხედფინალიდან გამოვარდნა არ გვეუქრება, დანარჩენზე კი მერე ვილაპარაკოთ“ — განაცხადა ჰეთ თორიქის ავტორმა დავიდ ვილიამს.

რაც შეეხება რუსებს, ისინი დარჩენილი ორი მატჩისთვის ემზადებიან და ისევ ჯგუფიდან გასვლას ლაპობენ. მათი ლიდერი ანდრეი არშავინი ჯგუფური ეტაპის მხოლოდ მესამე მატჩში, შვედეთთან შეძლებს თამაშს, როცა დისკვალიფიკაციის ვადა გაუვა. თუმცა იქამდე რუსეთს ევროპის მოქმედ ჩემპიონ საბერძნეთთან აქვს საბრძოლველი.

„საკუთარი თამაში კარგად უნდა გავანალიზოთ. ახალგაზრდა გუნდი გვყავს და ხშირად ცოტა გულუბრყვილოდ ვირჯებით. თუმცა ცუდად არ გამოვიყურებოდით, განსაკუთრებით გაშვებულ გოლამდე. მერე კი სულელები შეცდომების ტალღა წამოვიდა. ტაიმის მიწურულს გაშვებული უაზრო მეორე გოლი ჩვენს გამოუცდელიაზე მეტყველებს. უნდა მოვეშვათ და ნამდვილად კარგი თამაშის ჩვენებას შევძლებთ“ — აღნიშნა რუსეთის პოლანდიელმა მწვრთნელმა გუს ჰიდინკმა.

ნაკრების კაპიტანი სერგეი სემაკი:


„ბევრი შეცდომა დაგუშვით და შედეგად, პირველი ტაიმი 0:2 მორჩა. ამის მერე უკვე ძალიან რთული იყო მატჩის შემობრუნება, მაგრამ შესაძლებელი. სამწუხაროდ, ეს არ გამოგვივიდა, მაგრამ ჩვენს თამაშში პოზიტიური მომენტების დანახვაც შეიძლებოდა. მთელი ყურადღება დარჩენილ ორ მატჩზე გვაქვს გადატანილი. ბოლომდე ვიბრძოლებთ.“

ესპანელთა კარში ერთადერთი გოლის ავტორი რომან პავლიუჩენკო:

„ნეტა, ჩემს გოლს ქულა მაინც მოეტანა ჩვენთვის... თუმცა არა უშავს, წაგებაც უნდა ვიცოდეთ, რაც მოხდა, მოხდა. ახლა მხოლოდ საბერძნეთთან და შვედეთთან მატჩებზე უნდა ვიფიქროთ. შანსი კიდევ გვაქვს და ბოლომდე ბრძოლაა საჭირო.“

„სასაცილოა, როცა 90 წუთი აკონტროლებ მატჩს და 1:4-ს ავებ. როცა მომენტები გვექმნება, სამი მეტრიდანაც ვერ გავვაქვს, ხოლო დაცვაში ისეთ შეცდომებს ვუშვებთ, რომ სიტყვებით აუწერელია. ასე თუ ვითამაშებთ, როგორღა მოვიგებთ?“ — ეს კი რუსების მეკარის, იგორ აკინფეევის სიტყვებია.

გიორგი კაბაბაძე



დავიდ ვილია და სესკ ფაბრეგასი

მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ... შემდეგ კი თქვენს წერილებს „სარბიელში“ სხვებზეც წაიკითხავენ


euro_fan_2008@yahoo.com

I ტურის სიგეოლოგი ნაკრები („სარბიელი“ ვერსია)


I ტურის სტატისტიკა

გუნდური სტატისტიკა


დარტყმა კარში	მოკლე პასები
ესპანეთი — 12	საფრანგეთი — 127
პოლანდია — 9	იტალია — 125
პორტუგალია — 8	გერმანია — 117
არაფუსტი დარტყმა	ფუსტი მოკლე პასები (%)
იტალია — 11	ჩეხეთი — 85
ავსტრია — 9	თურქეთი — 81
საფრანგეთი — 8	საბერძნეთი — 80
პასები (სულ)	პოლანდია — 80
საფრანგეთი — 560	საფრანგეთი — 80
საბერძნეთი — 542	ჩაწოდებები
შვეიცარია — 516	ავსტრია — 24
ფუსტი პასები (%)	შვეიცარია — 20
საბერძნეთი — 80	გერმანია — 16
ესპანეთი — 80	ხორვატია — 16
საფრანგეთი — 79	შვედეთი — 16
ბრძოლი პასები	ფუსტი ჩაწოდებები (%)
ავსტრია — 121	იტალია — 50
პოლანდია — 102	პოლანდია — 50
საბერძნეთი — 100	რუსეთი — 50
ფუსტი ბრძოლი პასები (%)	რუმინეთი — 50
ავსტრია — 71	კუთხეულები
რუსეთი — 71	პორტუგალია — 7
ესპანეთი — 67	ხორვატია — 7
საშუალო პასები	თამაშობარი
საფრანგეთი — 361	პორტუგალია — 6
საბერძნეთი — 349	გერმანია — 5
შვეიცარია — 333	რუსეთი — 5
ფუსტი საშუალო პასები (%)	ჯარიმები
ესპანეთი — 87	თურქეთი — 24
საბერძნეთი — 86	ესპანეთი — 22
გერმანია — 84	საფრანგეთი — 22
პოლონეთი — 84	




მწვრთნელი
ვან ბასტენი
პოლანდია




ჩეხეთი




ლაგი
გერმანია




პანსონი
შვედეთი




პეპე
პორტუგალია




ვან ბრონკორსტი
პოლანდია




კუიტი
პოლანდია




დეკუ
პორტუგალია




სნეიდერი
პოლანდია



ინიუსტა
ესპანეთი



ვილია
ესპანეთი




პოლოუსკი
გერმანია

ინდივიდუალური სტატისტიკა

მოგვადორები	ფუსტი ბრძოლი პასები (%)	ეუსებიუმ სმოლარეკი (პოლონეთი)
დავიდ ვილია (ესპანეთი) — 3	რენე აუფჰაუზერი (ავსტრია) — 100	100
ლუკაშ პოლოუსკი (გერმანია) — 2	ანგელოს ბასინასი (საბერძნეთი) — 89	ჩაწოდებები
	მარტინ ჰარნიკი (ავსტრია) — 89	იოანის შტანდფესტი (ავსტრია) — 9
ასისტენტები		ლუდოვიკ მანინი (შვეიცარია) — 7
მიროსლავ კლოზე (გერმანია) — 2	საშუალო პასები	დარიო სრნა (ხორვატია) — 6
დირკ კუიტი (პოლანდია) — 2	სოტირიოს კირიაკოსი (საბერძნეთი) — 55	კუთხეულები
დარტყმა კარში	კლოდ მაკელელე (საფრანგეთი) — 50	დარიო სრნა (ხორვატია) — 7
დავიდ ვილია (ესპანეთი) — 5	ერიკ აბიდალი (საფრანგეთი) — 49	ანდერს სვენსონი (შვედეთი) — 6
რუდ ვან ნისტელროი (პოლანდია) — 3	ხავი ერნანდესი (ესპანეთი) — 49	სიმაუ საბროსა (პორტუგალია) — 6
ივიცა ვასტიჩი (ავსტრია) — 3	ფუსტი საშუალო პასები (%)	თამაშობარი
არაფუსტი დარტყმა	იგორ აკინფეევი (რუსეთი) — 100	რომან პავლიუჩენკო (რუსეთი) — 4
ნიკოლა ანელკა (საფრანგეთი) — 3	დიეგო ბენალიო (შვეიცარია) — 100	თუნჯაი შანლი (თურქეთი) — 3
ანდრეას ივანსიცი (ავსტრია) — 3	ედვინ ვან დერ სარი (პოლანდია) — 100	საივები
პასები (სულ)	იკერ კასილასი (ესპანეთი) — 100	იგორ აკინფეევი (რუსეთი) — 8
კლოდ მაკელელე (საფრანგეთი) — 75	გრეგორი კუპე (საფრანგეთი) — 100	სტიპე პლეტიკოსა (ხორვატია) — 6
ხავი ერნანდესი (ესპანეთი) — 73	მარიუმ ლევანდოვსკი (პოლონეთი) — 100	პეტრ ჩეხი (ჩეხეთი) — 6
იური ჟირკოვი (რუსეთი) — 72	იენს ლემანი (გერმანია) — 100	ჯარიმები
სოტირიოს კირიაკოსი (საბერძნეთი) — 72	კარლეს პუიოლი (ესპანეთი) — 100	დავიდ ვილია (ესპანეთი) — 6
ლუდოვიკ მანინი (შვეიცარია) — 70	პეტრ ჩეხი (ჩეხეთი) — 100	დარიუმ ლუდკა (პოლონეთი) — 5
ფუსტი პასები (%)	ბასტიან შვინშტაიფერი (გერმანია) — 100	ქაზიმ ქაზიმი (თურქეთი) — 5
ვილიამ გალასი (საფრანგეთი) — 98	მოკლე პასები	იაცეკ კრჟინოვეკი (პოლონეთი) — 5
ანდრეა ბარცალი (იტალია) — 97	მარსელ იანსენი (გერმანია) — 23	კლოდ მაკელელე (საფრანგეთი) — 5
იაცეკ ბონკი (პოლონეთი) — 92	დინიარ ბილიალეტდინოვი (რუსეთი) — 18	სერგეი სემაკი (რუსეთი) — 5
მარიუმ ლევანდოვსკი (პოლონეთი) — 92	ჯენარო გატუზო (იტალია) — 18	დავიდ იაროლიმი (ჩეხეთი) — 5
რობერტ კოვანი (ხორვატია) — 92	ვილი სანიოლი (საფრანგეთი) — 18	მასზე დაჯარიმდნენ
ბრძოლი პასები	ფუსტი მოკლე პასები (%)	იური ჟირკოვი (რუსეთი) — 6
ედვინ ვან დერ სარი (პოლანდია) — 36	ანდრეა ბარცალი (იტალია) — 100	დარიო სრნა (ხორვატია) — 6
სტიპე პლეტიკოსა (ხორვატია) — 23	ნიკო კრანჩარი (ხორვატია) — 100	დავიდ ვილია (ესპანეთი) — 5
რიკარდუ (პორტუგალია) — 23	პეპე (პორტუგალია) — 100	დანიელ ნიკულაე (რუმინეთი) — 5
	იან პოლაკი (ჩეხეთი) — 100	ბანელ ნიკოლიცა (რუმინეთი) — 5
	რიკარდუ კარვალო (პორტუგალია) — 100	პეპე (პორტუგალია) — 5

მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ. შემდეგ კი თქვენს წერილებს „სარბიელი“ სხვებთან ერთად წაიკითხავთ.

euro_fan_2008@yahoo.com





ოზონეპტი



რუსმა ფანებმა ესესერის ნაკრების ოდინდელ ვარსკვლავთა (1960 წლის ევროპის ჩემპიონთა) პლაკატები და ახლანდელ ჯილათა ფოტოები გამოფინეს ტრიბუნაზე ესპანეთთან მატჩისას, აქაოდა, ეგებ ახლაც გავხდეთ ევროპის ჩემპიონებიო. მეტი არ არის ჩვენი და თქვენი მტერი.

... იტალიელი ლუკა ტონი ავტოგრაფების დარიგებით არის დაკავებული, ხოლო ესპანელი მეკარე პეპე რეინა ვარჯიშზე კარგი გარჯით პირველმეკარეობის სტატუსის მოპოვებას ლამობს. ამასობაში კი შვედი იოჰან ელმანდერი თავის მეუღლე ამანდას ჰკოცნის ბერძნებთან გამარჯვების ნიშნად.





ევროპის 2008 წლის ჩემპიონატი



B ჯგუფი. II ტური. დღეს

„პროტარგა“, კლავანდური

სორვატია — გერმანია

საპარაულეო შემადგენლობები
სორვატია: პლუტიკოსა; ჩორლუკა, რომ. კოვაჩი, შიმუნჩი, პრანიჩი; სრნა, ნ. კოვაჩი, მოდრიჩი, კრანჩარ; რაკიტიჩი, ოლიჩი

გერმანია: სლავენ ბილიჩი
გერმანია: ლემან; ლამი, მეველდერი, მერტენსკერი, იანსენ; ბალაკი, ფრინგსი, ფრიცე; პოდოლსკი; გომესი, კლოზე

მწვრთნელი: იოახიმ ლიოვი

მსაჯი: ფრანკ დე ბლექერე (ბელგია)

ავსტრიელთა

დამრიგებელმა იოზეფ ჰიკერსბერგერმა თავის შევირდებს უთხრა, პოლონელებთან წაგება არ უნდა დავეშვათ, თორემ ჯგუფში ჩარჩენა არ აგვცდება. დიდი ამბავი, თუ უთხრა, ეს ხომ ისედაც ცხადია — ავსტრიელებისთვის წაგება არაფრით შეიძლება, ისევე, როგორც პოლონელებისთვის, რაკი გუნდებმა ევროჩემპიონატის სადებიუტო მატჩები დათმეს და მორიგი უიღბლობა მათ საპლეიოფო შანსებს დაასამარებს.

ამ შეხვედრას სხვანაირად მატჩ-შანსი შეიძლება ეწოდოს. ამ ორთაბრძოლაში გამარჯვება ხომ ორივე გუნდისთვის იმედის ნაპერწკალია, რომ პროგრამა-მაქსიმუმი (ეჭვობთ, რომელიმე მათგანს ოთხეულში მოხვედრის რეალური ამბიცია ჰქონდეს) შესასრულოს და ჯგუფიდან გავიდეს. მართალია, მხოლოდ ეს ერთი გამარჯვება არ იკმარებს პლეი

ვის დარჩება შანსი?



იოზეფ ჰიკერსბერგერი და ავსტრიის ნაყრების მენეჯერი ანდრეს ჰერცოგი

ოფში გასაძრომად, მაგრამ ასეთი კალიბრის გუნდებისთვის ხომ მთავარი მოტივაციის ბოლომდე შენარჩუნებაა.

ჰოდა, ავსტრიელებიც და პოლო-

ნელებიც ამ შანსის ჩასაბღუჯად გამორჩეულად ემზადებიან. პირველ ტურში ორივე გუნდმა ცხადყო, რომ ბრძოლა შეუძლია. ავსტრიამ ვითომდა ერთი თავით მალა მღვარი

ხორვატია ანერვიულა მეორე ტაიმში, პოლონეთი კი მთელი თამაში ჩხვლელდა გერმანიას და რომ არა ბავშვური შეცდომები დაცვაში, ვინდლო, არც კი წავეო.

„ყველასთვის ცხადია, რომ ესაა ჩვენთვის გადაწყვეტი მატჩი — ამბობს ჰიკერსბერგერი — თუმც იმავეს თქმა შეიძლება პოლონელებზეც, რომლებიც, რაღაც დაგვიჯდება, უნდა დავამარცხოთ. თავიდანვე რისკზე უნდა წავიდეთ, თუკი შედეგის მიღწევა გვინდა“.

ავსტრიელთა თავკაცი კმაყოფილია თავისი გუნდის პირველ ტურში გარჯით და ამბობს: „მეორე ტაიმში ხორვატებს ძალიან კარგად ვეთამაშეთ. ჩვენ გავუმართეთ ბრძოლა ისეთ ძლიერ გუნდს, რომელთან თანასწორ თამაშსაც ერთი თვის, თუნდაც ერთი კვირის წინ, ვერც კი წარმოვიდგენდი“.

ავსტრიელებს მსუბუქად დაუშავდათ როლანდ ლინცი და ემანუელ პოგატეცი, რომელთა თამაშიც დღეს „ერსტ ჰაპელის“ სტადიონზე სათუთაა.

რაც შეეხება პოლონელებს, მათ ბანაკში მეტი ცვლილებაა — ზოგი იძულებითი, ზოგიც წინასწარ განზრახული. გერმანელებთან მატჩის პირველ ტაიმში დაშვებული სლავთა კაპიტანი მაცეი ჟურავსკი ჩემპიონატს ემშვიდობება — ოღონდ

იმ შემთხვევაში, თუკი პოლონელები ჯგუფიდან ვერ გავლენ.

ჟურავსკის ნაცვლად ძირითადად სავარაუდოდ როგორც გერმანიის ითამაშებს, რომელიც ბრაზილიელთა და პოლონური პასპორტი გასულ აპრილს ჩაახუტეს. გერმანიამ ჩინებულად ითამაშა გერმანელების წინააღმდეგ და მათ ერთი-ორჯერ „ბრაზილიური“ გაკვეთილიც ჩაუტარა.

პოლონელთა მწვრთნელმა ლეო ბენეჰაკერმა გერმანელებთან შეცდარი პაველ გოლანსკი გაიციხა და მის ნაცვლად დაცვაში, სავარაუდოდ, იაკუბ ვაგრონიჩის დააყენეს. გოლანსკი შეცდა იმ ხელოვნური თამაშარის შესრულებისას, რომლის შემდეგაც გერმანელებმა გოლი შეაგდეს.

„გოლი, რომელიც გერმანიისგან მივიღეთ, ინდივიდუალურ შეცდომას მოჰყვა. ეს დაცვის არარეგულარული გამო მოხდა, ვიღაცამ დაიგვიანა აწევა და დასაბანი შედეგი მივიღეთ. ეს აღარ უნდა დავეშვათ“ — აცხადებს ბენეჰაკერი.

იმედინადაა განწყობილი პოლონელთა გოლეადორი ები სმოლარეკი: „ავსტრიასთან ყველაფერი უნდა გავიღოთ, რათა ხორვატებთან ბოლო ტურში ბრძოლას აზრი ჰქონდეს. ვფიქრობ, ჩვენ ორივე მეტოქის დამარცხება შეგვიძლია“.

ირაკლი პირაძე

ტესტი ფავორიტობაზე

„ერსტ ჰაპელი“, ვენა

ავსტრია — პოლონეთი

საპარაულეო შემადგენლობები
ავსტრია: მასო; პრიოდლი, შტრანცლი, პოგატეცი; აუფმაუზერი, ზაუშელი, შტანდფესტი, გერკალიუ; ივანშიცი, კინასტი, ჰარნიკი

პოლონეთი: ბორუცი; ვასილევსკი, ფელაკოვი, ბაკი, ვაგრინიაკი; დუდკა, ლევანდოვსკი, ლობოიჩინსკი, კრეინოვიცი; სმოლიარეკი, როგორც გერმანიის მწვრთნელი: ლეო ბენეჰაკერი

მსაჯი: პოვარდ უები (ინგლისი)

B ჯგუფის ფავორიტები კალენდარმა მეორე ეტაპზე შეყარა, როცა უკვე ორივეს თითო გამარჯვება აქვს აქტივში და ჰა-და-ჰა, ახლა უნდა გამოიკვეთოს ფავორიტის სტატუსი.

პროგნოზები მაინც გერმანიის გამარჯვებისკენ იხრება, რაკილა იოახიმ ლიოვის გუნდმა პირველში მეტად თავდაჯერებულად და ზურგში ხელწაკრული ჩანდა და პოლონეთის ძლევიტ განწყობაც საფავორი-

ტო შეიქმნა. და საერთოდ, კარგა ხანია, ეს ნაკრები არ ყოფილა ასეთი ძლიერი და გაწონასწორებული და ბოლო წლებში ყბადაღებულ თემზე, გერმანული ფეხბურთის კრიზისზეც ალბათ დროა, მორჩეს საუბარი. იოახიმ ლიოვის კრებული ყველა რგოლში ძლიერია, თავდასხმაც გოლგამტანი ჰყავს და დაცვაც არგამშვები. პოლონელთა ძლევის შემდეგ ტომით პოლონელი პოტოლსკი ამბობდა, გულიც კი და-

მწყდა, „ჩემიანებს“ გოლებს რომ ვუტანდიო. ესე იგი, ის ხორვატიასთან მეტად დაგეგმება გოლზე, ხოლო ხორვატებს მთლად ჰაერგაუმტარი დაცვა რომ ვერ ჰყავთ, მჭლე ავსტრიასთანაც გამოჩნდა.

ხორვატთა თავკაცი სლავენ ბილიჩი მაინც ოპტიმისტურ განცხადებებს აკეთებს (აბა, თამაშამდე ხომ არ ჩამოშვებს ცხვირს) — აქაოდა, კარგი შანსი გვაქვს, მეოთხედფინალს მივუახლოვდეთ, თუ მეტოქეზე თამაშად მივალთ. იმის საფუძველი კი გვაქვს, რომ გერმანიას ყველა კომპონენტში ტოლსწორად დაუდგეთო. ხორვატებს არაერთხელ გამოუვლენიათ რანგით მაღალსაფეხბურთო ნაკრების ძლევის უნარი, თუნდაც 1998 წლის მეოთხედფინალში ხომ დაამარცხეს გერმანია და ორი წლის წინ ევროპირველობაზე ასევე მეოთხედფინალში მარცხისთვის სამაგიერო უზღვეს. ის ორივე შეხვედრა ნათამაშები აქვს ბალიხს, ასე რომ, ამ გუნდისგან მართლაც ყველაფერია მოსალოდნელი და ერთი თამაშის „ჩაგდება“ ბევრს არას ნიშნავს.

„თუ მათი არ შეგვეშინდება და ჩვენს საუკეთესო თამაშს ვაჩვენებთ, მერე ვნახავთ, ვინ მოიგებს“ — იმუქრებასავით ივან რაკიტიჩი, ვინაც, შესაძლოა, ფორმიდან ამოვარდნილი მლაღენ პეტრიჩის ნაცვლად დადგეს წინა ხაზში.

ფავორიტობა იქით იყოს და, ხორვატებს გერმანელებიც ფრთხილად ზვერავენ. „მათ ამ ტურნირზე თან დიდი ამბიციები მოიტანეს“ — ამბობს ლიოვის გუნდის ლიდერი მიხაელ ბალაკი — შესარჩევში ორ-

ჯერ დაამარცხეს ინგლისი. დარწმუნებული ვარ, რომ პოლონელებზე მწვავედ შემოგვიტყვენ“.

ტაქტიკურ-სქემობრივ კრილში კი ლიოვს დასაფიქრებელი არა აქვს, იმდენად ბევრი ნიჭიერი ბიჭი დაუდის წინ ვარჯიშებზე. გუნდი შეკრულია, შემტევეა, გამტანია, ასე რომ, ლიოვს ერთადერთი სახანალო თემად აქვს, წინა თამაშში „გაყვითლებული“ ბასტიან შვაინშტაიგერი ძირითადად დააყენოს თუ მერესთვის შეინახოს. სხვა ყვითლიანი, არავინ ჰყავს. ასევე ერთი გაფრთხილებული ჰყავთ ხორვატებს — რობერტ კოვაჩი.

ახლა ცოტა ხნით მოვწყდეთ ბურთს და მოედანს და კლაგენფურტის პოლიციის მიძღვნილ შევიხედოთ. თურმე, ავსტრიული პოლიცია 3 000 სამართალდამცავს რაზმავს, რომელთა შორის 400 გერმანელი იქნება. მატჩი ხულიგნობის შკალაში ყველაზე რისკიანთა კატეგორიაში გადის, მით უმეტეს, მას შემდეგ, რაც პოლონელთა ძლევის შემდეგ გერმანელმა ფანებმა პატარა ავსტრიულ ქალაქს 70 წლის წინანდელივით გადაუარეს. ავსტრიულმა პოლიციამ კი 157 გერმანელი ხულიგანი დააკავა. „ამ ჯგუფის ორივე თამაშზე უმაღლესი იქნება მობილიზება და კონკრეტულად ამ თამაშის უსაფრთხოების დაცვაზე გერმანელი სპეციალისტებიც დაგვეხმარებიან“ — ამბობს ავსტრიული ხულიგანთა სპეციალისტი ჰარალდ მალტე.

ირაკლი ფირაფხილი

გერმანია	1	1	0	0	2:0	3
ხორვატია	1	1	0	0	1:0	3
ავსტრია	1	0	0	1	0:1	0
პოლონეთი	1	0	0	1	0:2	0



იოახიმ ლიოვი

მოგვწერეთ თქვენი პროგნოზები და მოსაზრებები, ვის გულშემოტკივრობთ და რატომ. შემდეგ კი თქვენს წერილებს „სარბიელში“ სხვებაც წაიკითხავენ

euro_fan_2008@yahoo.com

№9 ჩახუტი 1:3 პორტუგალია

11 ივანიტი, ჭანავა (შვითარია), „სტალ ლე ჭანავი“, 29 016 მაყურებელი
0:1 დეკუ (8), 1:1 სიონკო (17), 1:2 კრიშტიანუ რონალდუ (63), 1:3 კვარეზმა (90)

დასვენილი პორტუგალია და მებრძოლი ჩახუტი

პარაღოძისა, მაგრამ ფაქტია, რომ თუ შვეიცარიასთან მოგების შემდეგ ჩახუტის აკრიტიკებდნენ, ახლა, წაგების მიუხედავად, საკრიტიკო თითქმის არაფერია. კარელ ბრიუენერის შეგირდებმა მშვენივრად ითამაშეს, ბოლომდე იბრძოლეს და ცოტა რომ გამართლებოდნენ, სულ მცირე არ წააგებდნენ. თუმცა ეს სულაც არ ნიშნავს, რომ ბრწყინვალე პორტუგალიას გარჯა წყალში უნდა ჩაუყაროთ. და რამე აუცილებელია შევამჩნიოთ.

ლუიშ ფელიპე სკოლარიმ თამაში იგივე შემადგენლობით დაიწყო, რომელიც თურქეთს მოუგო. ბრიუენერმა კი სასტარტო თერთმეტეულში ორი ცვლილება გააკეთა — იან კოლერის ნაცვლად მინდორზე მილან ბაროში გამოიყვანა, რომელიც სულაც არ ყოფილა ცუდ ფორმაში, ხოლო დავიდ იაროლიმის ნაცვლად უფრო შემოქმედი მარეკ მატეიოვსკი შეუშვა.

თამაში ცოტა არეულად დაიწყო, მაგრამ გუნდები ნელნელა დალაგდნენ და პორტუგალიამ უმაღლესი ხარისხით ანგარიში. კრიშტიანუ რონალდუსა და ნუნუ გომეშის მშვენიერი კომბინაცია დეკუმ დაავიწროვინა. პეტრ ჩეხმა ლომივით კი იბრძოლა და, რასაც ჰქვია, ყველაფერი გააკეთა, რათა მის კარში გოლი არ გასულიყო, მაგრამ...

მთლიანობაში პორტუგალიელთა მხრიდან საუკეთესონი ტრადიციულად დახვეწილად მოთამაშე დეკუ და რონალდუ იყვნენ, რომელმაც ერთი გოლი თავად გაიტანა და ორ სხვა საგოლე კომბინაციაში კი მონაწილეობა მიიღო.

ჩეხები მყისვე გააქტიურდნენ. მა-

თი შეტევების უმეტესობა კვლავ მარჯვენა ფლანგიდან ხორციელდებოდა, სადაც ისევ საოცრად აქტიური გახლდათ ტანჩია, დაულაღვი და მშრომელი ლიბორ სიონკო, ვინაც ამჯერადაც ჩეხთან ერთად ნაკრების საუკეთესო მოთამაშე გახლდათ.

ერთხელაც, სიონკოს მარჯვნიდან ჩვეულ განაჯარებასა და მწვავე ჩაწოდებას კუთხური მოჰყვა, რომელიც იაროსლავ პლამილმა ჩააწოდა და იმავე სიონკომ ვარდნაში თავურით ჩაჭედა ბურთი რიკარდუს კარში.

შესვენებამდე დეკუმ გაისროლა ყუმბარასავით, მაგრამ არაზუსტად, რონალდუს ორი მწვავე დარჯმა კი ჩეხმა გააუფრთხელა.

ჩეხთაგან იმავე სიონკოს შექმნილი ვაჭანა, კვლავაც პლამილის პასით, მაგრამ კარგად ვერ დაარტყა.

მეორე ტაიმიც იმით დაიწყო, რომ სიონკო მარჯვენა ფლანგზე გაიჭრა და კროსიც გააკეთა, მაგრამ შორეულ ძელოდან ბურთს ვერაფერ დახვდა.

ამის მერე პორტუგალიელებმა ინიციატივა ხელთ იგდეს და რამდენიმე მომენტიც შექმნეს, მაგრამ ხან ხეირიანად ვერ დაარტყეს, ხანაც ისევ ჩეხმა იფრთხილა.

ჩეხთა კარში გოლი კი სწორედ მაშინ გავიდა, როცა მათ თითქოს ზეწოლას გაუძლეს და ეს მძიმე მონაკვეთი გადააგორეს. მეტიც, აქეთ კინაღამ გაიტანეს. თუმცა დეკუს გარდევას და უზადო პასს რონალდუს ოსტატური დარტყმა მოჰყვა 13-14 მეტრიდან და 2:1.

ბრიუენერმა ჯერ სტანისლავ ვლჩეკი გამოუშვა, მერე კი კოლერი. ამ ცვლილებებს შორის სკოლარიმ პი-

რველ მატჩთან შედარებით უფერულად მოთამაშე ყოფილიყო ნაცვლად მინდორზე ფერხანდუ მერირა შეუშვა და დაცვა გააძლიერა.

ჩეხებმა მეტ-ნაკლებად მწვავე მომენტები საკმარისად შექმნეს, 84-ე წუთზე სიონკოს თავური კი განსაკუთრებით უნდა გამოვარჩიოთ, როცა რიკარდუმ ბრწყინვალე რეაქცია გამოავლინა. თუმცა პორტუგალიელთა კარში მეორე გოლი აღარ გავიდა.

მაშინ კი, როცა უკვე დამატებული წუთები იყო დაწყებული, ჩეხებმა მეტიც კონტრიერიში გამოიჭირა — რონალდუ პირისპირ გავიდა ჩეხთან, მაგრამ თავად არ დაარტყა, სიმაუ საბროსას ნაცვლად მინდორზე შესულ რიკარდუ კვარეშმას დაუგორა და მანაც ცარიელ კარში შეაგორა ბურთი.

ერთი სიტყვით, ძალიან საინტერესო და თვალსაჩინო მატჩი გამოვიდა. ორივე გუნდმა კარგი შთაბეჭდილება დატოვა. უბრალოდ, ამჟამად, ტექნიკური თვალსაზრისით პორტუგალიელები ჩეხებზე უკეთესნი არიან და დიდწილად სწორედ ამის ხარჯზე მოიგეს. თუმცა ისიც გამოჩნდა, რომ ბრიუენერის გუნდს ჯგუფიდან გასვლის პოტენციალიც აქვს და ბევრის გამწარებისაც.

ერთიც, მატჩი დასრულდა თუ არა, ელექტრონულ პრესაში გავრცელდა სენსაციური ცნობა: „ფელიპე სკოლარი 1 ივლისიდან ლონდონის „ჩელსის“ მთავარმწვინელობას შეუდგება. „საუცხოო არჩევანი გავაკეთეთ“ — დაიწერა ლონდონური კლუბის ოფიციალურ ვებგვერდზე.

გიორგი ბაბაბაძე

Table with 4 columns: Goals, Assists, Cards, etc. for the match between Portugal and Czech Republic.

მწვინელები: ლუიშ ფელიპე სკოლარი 1 რიკარდუ

შეცვლა: მატეიოვსკი - 11. ვლჩეკი (68), გალაშევი - 9. კოლერი (73), კოაუ მოუტინიუ - 5. ფერნანდუ მერირა (75), ნუნუ გომეში - 9. უგუ ალმეიდა (79), სიმაუ - 17. კვარეშმა (80), პლამილი - 14. იაროლიმი (85)

გაფრთხილება: პოლაუი (22), ბოსინგვა (31)

მსაჯები: ეიროს ვასარასი (საბერძნეთი); დიმიტრის ბოზაციდისი (საბერძნეთი); დიმიტრის სარაიდარისი (საბერძნეთი)

Table with 2 columns: Statistics and Values for the match.

306 რა თქვა

კარელ ბრიუენერი: ვფიქრობ, ძალიან კარგად ვითამაშეთ, მაგრამ დამარცხდით ძალიან ძლიერ გუნდთან, რომელიც ახლა ფორმის პიკზეა. მეონი, ჩემმა ცვლილებებმა გაამართლეს. თუმცა იყვნენ ფეხბურთელებიც, რომლებმაც წინა შეხვედრასთან შედარებით, უარესად ითამაშეს. დამტკიცდა, რომ დაცვამიც და თავდასხმამაც კარგად შეგვიძლია თამაში. მე სამე მატჩისთვის მზად ვარ.

ლუიშ ფელიპე სკოლარი: ძალიან ამაყი ვარ ჩემი ფეხბურთელებით, რადგან მათ მეოთხედფინალისტობა ფაქტობრივად საწყის ორ მატჩში გაინადღეს. კარგია, რომ გარკვეული სირთულეები გადავლახეთ და თურქეთსაც და ჩეხეთსაც მშვენიერი თამაშით, დამსახურებულად ვძლიეთ. თუმცა მთავარი ბრძოლა წინ არის და ყურადღების მოდუნება არაფრით შეიძლება.

მატჩის მსვლელობისას დეკუმ კრიშტიანუ რონალდუს ბურთი 14-ჯერ გადასცა, ხოლო თავად ამდენიმე პასი პაულუ ფერეირასგან მიიღო.

მთლიანობაში დეკუმ ყველაზე მეტი — 73 პასი გააკეთა, ბოსინგვასა და პეტიტის ანგარიშზე, შესაბამისად, 63 და 62 პასია.

პეტრ ჩეხმა პორტუგალიელთა 7 დარტყმა მოიგერია, მაშინ როცა მისმა ვიზავი რიკარდუმ — ერთადერთი. პორტუგალიელთა გოლკეპერი ლიბორ სიონკომ შეაწუხა, ვინც ჩეხთა ერთადერთი გოლიც შეაგდო.

ჩეხეთის ნაკრების ექვსივე კუთხური იაროსლავ პლამილმა ჩააწოდა. ყველაზე მეტჯერ მარეკ მატეიოვსკი და პეტიტე დაჯარიმდნენ — ოთხ-ოთხჯერ, ხოლო პეტეს წინააღმდეგ ჩეხებმა თამაშის წესები 5-ჯერ დაარღვიეს.

მოგვწერეთ თქვენი პროგნოზები და მოსაზრებები, ვის გულშემატკივრობთ და რატომ — შემდეგ კი თქვენს წერილებს „სარბიელში“ სხვებიც წაიკითხავენ



პეტრ ჩეხმა (№1) ლომივით კი იბრძოლა, მაგრამ დეკუს ბურთი მაინც დაიანება

№10 შვეიცარია 1:2 თურქეთი

11.03.2008. ბაზელი (შვეიცარია). „სანტ-იანო-პარკი“. 40 000 მაყურებელი
1:0 ჰაქან იაქინი (32), 1:1 სემიში (57), 1:2 არდა თურანი (90)

Table with match statistics: 1 ბენალიო, 5 ლისტშაინერი, 19 ბეკრაში, 10 ჰაქან იაქინი, 17 თუნჯაი, 14 არდა თურანი, 3 ჰაქან ბალთა, 23 ვოლტანი, 23 გოლქენიზი, 10 გიოქდენიზი, 7 აურელიო, 22 ჰამით ალთინთოფი, 2 სერვეთი, 15 ემრე აშიქი.

შედეგი: გიოქდენიზი - 9, სემიში (46), თუმერი - 6, მეჰმეთ თოფალი (46), ბარნეტა - 22, ფონტანტენი (66), ყელსონი - 7, ჯაბანაისი (76), ჰაქან იაქინი - 14, ყიგა (85), ნიჰათი - 18, ჯაზიმი (85)

გაფრთხილება: თუნჯაი (31), აურელიო (41), ჰაქან ბალთა (48), ტერდიოქი (55)

მსაჯები: ლიუბომ მიხელი (სლოვაკეთი); რომან სლიშკო (სლოვაკეთი), მარტინ ბალუო (სლოვაკეთი)

Table with player statistics: 22 ქარიშა, 6 კუთხური, 7 კარისკენ დარტყმა, 7 კარში დარტყმა, 4 თამაშგარე, 18.25 წთ ბურთის ფლობა, 46% ბურთის ფლობა.

306 რა თქვა

მიშელ პლატინი, უეფას პრეზიდენტი: „დღეს ჩვენ ბრწყინვალე ფეხბურთი ვნახეთ. ამასთანავე, ეს ჩემპიონატი კორექტულობითაც გამოირჩევა. ხუთი დღე და ათი თამაში მიიღია და ჯერ არაფერი გაუძევებიათ, ხოლო ყვეთელი ბარათები 40 პროცენტით უფრო ნაკლებია, ვიდრე წინა ევროპის ჩემპიონატისას თორმეტი თამაშის მერე.“

იაკობ კუნი: „იმედგაცრუებულნი ვართ, ჩვენ ჯგუფში ჩავრჩით, არადა, ჩვენს უამრავ გულშემატკივარს იმედი ჰქონდა, რომ მეოთხედფინალში გავიდოდით, თუნდაც იმიტომ, რომ ტურნირის მასპინძლები ვართ.“

ფათიჰ თერიმი: ეს საოცარი გრძობაა, ჩემს ფეხბურთელებს ამ დიდ გამარჯვებას ვულოცავ და მჯერა, რომ მეტის მიღწევაც შეგვიძლია.“

თამაშის მსვლელობისას ყველაზე მეტი, 4 დარტყმა შვეიცარიელმა ჰაქან იაქინმა შეასრულა, აქედან — 2 არაზუსტად.

შეხვედრის ყველაზე უხეში მონაწილე თურქი შემტევი თუნჯაი შანლი ვახლდათ, ვინც თამაშის წესები 5-ჯერ დაარღვია, ხოლო შვეიცარიელმა ნახევარმცველმა გიოქჰან ინლერმა მეტოქეთა უხეშობით 6-ჯერ იზარალა.

ჰამით ალთინთოფმა 51 გადაცემა შეასრულა, აქედან 7 — თუნჯაის მისამართით.

თურქების გოლკიპერმა ვოლქან დემირელმა შვეიცარიელთა 5 დარტყმა მოიგერია.

შვეიცარია სასლუი ნაპიდა

პირველი: ბოლო ტურში შვეიცარიასთან წაგების შემთხვევაშიც პორტუგალია ექვსი ქულით ჯგუფში პირველ ადგილს შეინარჩუნებს, თუნდაც ჩეხეთმა ან თურქეთმა ექვსი ქულა მოაგროვოს, რადგან ამ გუნდებს პორტუგალიამ პირადი შეხვედრები მოუგო. ეს ნიშნავს, რომ ლუიშ ფელიპე სკოლარის ნაკრები მეოთხედფინალში B ჯგუფის მეორეადგილოსანს შეხვედრება. მეორე: შვეიცარია პორტუგალიასთან მოგების შემთხვევაშიც ბოლო ადგილზე დარჩება. ერთი თანამასპინძლისთვის ტურნირი ჯგუფური ეტაპით 17 ივნისს დასრულდება. დიდი ამბით ემზადებოდა შვეიცარიის ნაკრები ჩემპიონატისთვის და მეოთხედფინალზე ოცნებობდა, მაგრამ... წუხანდელ მატჩთან დრამატულობით, აქამდე გამართული ვერცერთი შეხვედრა ვერ მივა. 2005 წელს ამ გუნდებს შორის სტამბოლში მომხდარ ჩხუბზე ფეხბურთელები მატჩამდე ამბობდნენ, უკვე დავიწყებულიაო, მაგრამ იმ ჩხუბს კუდები მაინც გამოუჩნდა.

ფარული შუელი გამოიხატებოდა აუტებისას ბურთის დროულად არმიწოდებაში, კუთხურების და საჯარიმოების შესრულებისას გადამეტებულ ჯაჯგურში და ნაწვიმარზე სახიფათო „ბადკატებში“. წვიმა კი, განსაკუთრებით პირველი ტაიმის მსვლელობისას, მართლაც კოკისპირული იყო. სწორედ გუბის წყალობით გაიტანა ჰაქან იაქინმა გოლი ცარიელ კარში. ბურთი ხონჩით მირთმეულივით დაუსკუდა წინ. საინტერესო ისაა, რომ კომბინაცია თურქული იყო. იაქინს პასი გიოქჰან ინლერმა მიაწოდა. შვეიცარიასაც ჰყავდა ამ მატჩში თავის კლოზ-პოდოლსკი. პოლონელებს ხომ გაგერმანელებულმა პოლონელმა გაუტანა გოლები, თურქებს კი შვეიცარიელმა თურქმა, მაგრამ იაქინმა პოდოლსკით დუბლი ვერ შეასრულა, არადა გოლიდან ორ წუთში ასპროცენტებიანი მომენტი ვერ გამოიყენა. მაშინ უკვე დატბორილი მოედანი ველარ დაეხმარა და წყალობა ბურთი არ გაუჩერა, რომ ისევ ცარიელ კარში შეეგდო. უკეთესი მომენტი კი შეცვლაზე

შესულ კაბანაისს ჰქონდა, როცა მატჩის მიწურულს სამი შვეიცარიელი ერთ მკველთან და მეკარესთან პირისპირ დარჩნენ, მაგრამ ბურთი ვოლქანს დაუმიზნა და მთელმა შვეიცარიამ ამოიგებინა. მანამდე კი სემიჰ შენტურქის გოლი იყო. ფათიჰ თერიმი იგი მეორე ტაიმში შეცვლაზე შეუშვა და ბიჭმა დაამტკიცა, რომ თავი აბია — თავით კონტა გოლი შეაგდო. ბენალიომ ბურთს ხელები კი შეაგება, მაგრამ სისველემ თავისი გაიტანა. დასასრული კი მასპინძლებისთვის საშინელი გამოვიდა. არადა თურანის დარტყმული ბურთი მიუღწევის მუხლზე ასხლტა, მეკარეს თავზე გადააფრინდა, ხარისხის ქვეშ შეძერა და შვეიცარია დადუმდა. გაშა ხუციფილი: კორტუგალია 2 2 0 0 5:1 6 ჩეხეთი 2 1 0 1 2:3 3 თურქეთი 2 1 0 1 2:3 3 შვეიცარია 2 0 0 2 1:4 0 ბომბარდირები: დავიდ ვილია (ესპანეთი) 3 ლუკაშ პოდოლსკი (გერმანია) 2



არდა თურანის (№14) ამ გასროლამ შვეიცარია თამაშგარეთ დატოვა

სარბიელი საორტული გაზეთი. გამოიცემა 1990 წლის 28 დეკემბრიდან. გამომცემი: ორშაბათს, სამშაბათს, ოთხშაბათს, ხუთშაბათს, პარასკეპს და შაბათს.

გამომცემელი ზურაბ შოცხვერია. ლირექტორი ბიორბი ოქროშვილი. მთავარი რედაქტორი ბიორბი ლარჯანია. მთავარი რედაქტორის მოადგილე კახა შალაშვილი. ტექნიკური რედაქტორი ზვიად მოსინაშვილი. ქართული ფეხბურთის რედაქცია: ჯობა მანაძიძე, ნუგზარ ლოლაძე, ილია ნანობაშვილი, მიხეილ ყორყოლიანი. უცხოური ფეხბურთის რედაქციის რედაქტორი ვინაჩესლავ ბასპაროვი. უცხოური ფეხბურთის რედაქცია: გიორგი ახვლედიანი.

ილია ბაბუნაშვილი, გიორგი ვაშაქიძე, გიორგი კაკაბაძე, ვლადიმერ ხომერიკი. ინფორმაციის რედაქციის რედაქტორი ბიორბი ბერიკაშვილი. ინფორმაციის რედაქცია: თამაზ მიგრაული, ირაკლი პერტაია, გრიგოლ სეანიძე, ირაკლი ფირაშვილი. ფოტორეპორტიორები: გურამ დოღუნაშვილი, ბადრი კეთილაძე. სტილისტები: ნათელა გიორგობიანი, ლალი გოზალიშვილი. კომპიუტერული ცენტრი: ლეილა ბეგლარიოვა, ლიანა ბესელია, ხათუნა ბუხუნიშვილი, მაგდა დოგრაშვილი, რუსუდან ერისთავი, თამარ ქინქლაძე.

რედაქციის მისამართი: თბილისი, ალექსანდრე ყაზბეგის გამზირი 42, II კორპუსი, IV სართული. საფოსტო მისამართი: თბილისი - 79, საფოსტო ყუთი 208. ტელეფონი: 39 48 29. ელექტრონული ფოსტა: sarbieli@gol.ge. ელექტრონული ვერსია: http://www.sarbieli.com.ge